





**BAIM PNG MADE NA KAMAPIM MOA WOK**

**BEST VALUE SMART PHONE BLO PNG**

Experiencim best Internet wantaim Alcatel Pixi. Kisim wanpla tude.

# 2014 dinau baset

Stanley Nondol i raitim

ikonomi bilong kantri.

stap namel long 10 na 12 bilien kina.

2014 baset bilong kantri bai i stap long defisit o dinau yet. Gavman bai bungim bikpela salens long yusim mani gut long strongim

I no gat tok klia yet hamas mani tru gavman bai yusim long dispela dinau baset. Tasol Tresera Don Polye i tok 2014 baset long neks wik em bai dinau baset. Baset bai tait bikos 2014 baset bai

Gavman i gat planti hap long yusim mani, na tu, i gat planti komitmen em i mekim pinis na i mas go insait long 2014 baset na ol yia i kam bihain.

*I go moa long pes 2*



**ALCATEL PIXI K99**

**FRI 200MB DATA INTERNET RED!**

**DIGICELPNG.COM**

**Digicel**

Terms na Kondisens. Free 200MB Data bundle bai expire 3pla dei behain lo date blo activation.



## Australia Polis kam pinis...

Ol Huli dansas i sanap wantaim ol Australia Polis long Jackson ples balus husat i kam long halivim ol polis bilong yumi. Poto: Nicky Bernard

**Lukim moa stori long pes 2, 3 na 5...**

**Painim Bal Resis i stap insait long p26... Traim laki bilong yu!!!**

**Winim!**

**Laipstail**

Ramu riva gat planti bilas - P15

Catholic Reporter Novemba Isu stap insait....P9,10,19,20

Nau yu ken Teksim Wari, Tingting, Painim Pren, Kanage stori o Pas bilong yu i kam long Digicel namba 7235 6149

## Painim CASH MONI bilong yu insait long KEN

**"Painim CASH MONI insait long GLOBE na SITA Corned Beef or Mackerel ken"**

**Na kamap Wanpela LAKI WINA NAU!**

Sapos yu painim displa ol CASH Moni:

- K1,000
- K500
- K100
- K50
- K10


**HARIAP!!!** Baim ol GLOBE na SITA ken mit or MACKEREL ken bilong yu NAU

**"Anit insait long ken" Go kisim CASH MONI bilong yu long Globe dealer or kolim Globe Hotline 422 3066**

Promosen bai pinis long 31st December 2013

**GLOBE**

Tetpla kribas long PNG



**Teksim Wari, Tingting, Painim Pren, Wantok o Pas bilong yu i kam nau.. Digicel namba: 7235 6149**

# Polis bilong Australia i kam long PNG

## Isaac Liri i raitim

Ol polis bilong Australian (AFP) na Royal Papua Niugini Konstabuleri (RPNGC) bai wok wantaim. Ol polis bilong Australia i kamap long PNG long Mande. Minista bilong Foren Afes Rim-bink Pato na Hai Komisina bilong Australia Deborah Stokes i tok-tok long as tingting na gutpela bi-

long dispela agrimen namel long polis bilong Papua Niugini na Australia. Mista Pato i tok dispela agrimen i gutpela long wanem bai strongim gutpela sindaun namel long tupela kantri na tu long Pasifik rigon. Em i bin toktok long helpim ol polis bilong Papua Niugini bai kisim taim ol i wok bung wantaim

ol polis bilong Australia. "Ol polis bilong Australia i gat planti ekspiriens na polis bilong Papua Niugini i ken lainim planti nupela samting taim ol i wok wantaim" em i tok. Mista Pato i bin tokim ol Papua Niugini polis long helpim ol Australia polis tu long wanem ol i no kam long kisim ples bilong ol Papua Niugini polis, tasol ol i kam long wok bung wantaim.

## Ol Ronu i askim long K6milien kompensesen

Ol lain bilong ples Ronu long Kenagi eria bilong Isten Hailans i askim nesenel gavman long baim ol K6milien kompensesen bihain long graun i bruk i kam daun na na karamapim 9-pela pipel. Tupela bilong ol em ol skul sumatin. Dispela bikpela bagarap i bin kamap long las wiken taim ol pipel i slip. Graun i karamapim tu seksen bilong Okuk Haiwe na ol Ronu hauslain i pasim rot bikos ol i ting bodi bilong wan-pisin bilong ol i mas stap long dispela hap.



**Graun malumalu i karamapim 9-pela pipel long Ronu long Kenagi eria long Isten Hailans long Sande.**

Viles komyuniti lida na mausman David Kimoi i tok, bai ol i no inap larim ol wokman i rausim graun long bikpela haiwe. Em i tok bai ol i no inap rausim ol bodi istap aninit long graun inap gavman baim K6milien kompensesen em ol i makim long en. Foapela de bihain long dispela hevi bilong graun i bruk, na ol bodi i stap yet aninit long graun malumalu na wara.

Long Tunde dispela wik, Gavana bilong Isten Hailans Julie Soso Akeke, memba bilong Unggai/Bena Benny Allan, Daulo MP Ron Ganarofa, Henganofi MP Robert Atiyafa, ol memba bilong Provinsal Eksekutiv Kaunsil (PEC), Ekting Provinsal Edministreta Bill Kavanamur na ol senia opisa long opis bilong gavana na provinsal edministresen i bin pulim

lain wantaim pasin sori i go long toktok wantaim ol pipel bilong Ronu. Misis Akeke i bin pilim pen na kapsaitim planti aiwara. Em i tokim ol pipel bilong Ronu olsem ol i mas rausim bodi bilong 8-pela pipel na karim i go planim long gutpela pasin. Em i tok, Em i tok, Hailans Haiwe em i nesenel haiwe na i laip lain bilong PNG. Gavana i askim ol lidaman na meri long Ronu long

## Polis Ripot

**Tenpela pipel dai long Bundi**  
MADANG: Tenpela pipel i dai bihain long kar ol i ran long en i kapsait long ples Imbrum long Usino/Bundi distrik.

Dispela birua i bin kamap long hap pas sikis apinun long las wik Fraide. Ripot i tok i bin gat tenpela pipel long dispela Toyota lenkrusa kar. Draiva i bin kam daun long ples maunten we ol ston i bin pundaun i kam daun long rot. Tasol ol ston i bagarapim stia bilong kar na i kapsait i go daun long maunten. Nainpela pipel i dai long Imbrum na wanpela i stap laip yet na ol i kisim em i go long Madang haus sik, tasol em i dai bihain long haus sik.

## Graun bruk karamapim ples

GOROKA: Bikpela graun bruk long mak bilong Isten Hailans na Simbu i kilim nainpela pipel na 8-pela arapela em graun i karamapim ol. Dispela birua i bin kamap long Sarere nait long taim ol pipel i slip i stap. Graun i bruk long sait bilong maunten i kam daun na karamapim ples Kenagi. Kenagi i stap long Watabung LLG long Isten Hailans klostu long mak bilong Suave long Simbu provins. Ripot i tok ol i wok long digim graun nau long painim bodi bilong ol pipel. Ol i painim bodi bilong wanpela pikinini man krismas bilong em i 10-pela yia. Graun i karamapim tu 8-pela haus, tupela ka na tupela klap haus. Rot namel long Watabung long Hailans Haiwe i pas nau.

## Tupela pikinini dai long birua long rot

KOKOPO: Ol tupela pikinini i dai na 19 arapela kisim bagarap long birua long rot long Is Nu Briten provins. Dispela birua i bin kamap long Vunadidir long Kokopo-Kerevat rot long Fonde apinun. Ripot i tok kar i karim 21 pipel i bin lusim skul greduesen long Malabunga na ran i kam na painim bagarap long rot. Ripot i tok dispela Toyota Hilux single keb inap long karim 12-pela pipel tasol em i karim moa pasindia i abrusim mak. Draiva i painim hevi klostu long Vunadidir praimer skul na ka i tanim na tromoi ol pipel nabaut. Ol tupela liklik pikinini husat i dai em ol i gat 6-pela krismas.

## Polis stopim stilman

MADANG: Ol polis long Madang i holim wanpela man husat i traime long stilman kampani kar bilong Ramu NiCo. Ol polis i holim em na putim em long rumgat na ol i wok long painim poroman bilong em. Ripot i tok wanpela olupela wokman bilong kampani i bin go long ples wok na abrusim ol sekyuriti na go insait kisim ki bilong kar. Em i draivim kar i go na givim long poro bilong em. Namba tu man ya i kisim kar na draiv i go long saut kos haiwe. Tasol ol polis i kisim ripot na ol i putim was na holimpasim dispela man. Em i stap long rumgat long Jomba nau.

**Wantok street agents!**

**Salim moa pepa na win olgeta wik!!**

**Sapos yu salim,**

- 50 - 80 kopi - 1x Wantok T-slot
- 80 - 100 kopis - 1x Wantok Kap
- 101 - 150 - Wantok Ambrela
- 151 - 200 - Wantok Polo Slot
- 201 plus - Wantok Polo Slot na Cap

*Dispela promosiun taim stap long Dikluba i go long Desemba 2013 tasol*

## Dinau baset bilong 2014

### I kam long pes 1

Namel long sampela komitmen gavman i mekim long putim mani long 2014 baset, em dispela K700 milien bilong wokim ol rot long NCD na K800 milien bilong 2015 Pasifik Gems.

Ol saveman i tok O'Neill gavman i yusim planti mani autsait long 2013 baset na mekim planti komitmen tasol winmani bilong kantri i pundaun na 2014 baset bai i no inap long gavman i stretim olgeta hevi na tok promis bilong em.

Tresari Minista Don Polye i tok baset i no bikpela tasol bikpela samting em gavman i mas menesim gut baset, no ken yusim mani we i no stap long baset na yusim mani long bikpela projek we bai karim kaikai na givim sevis long planti pipel long planti yia i kam bihain.

Mista Polye i tok Dipatmen bilong Tresari, Fainens

na Nesenel Plening i stretim pinis ol baset pepa bilong 2014 na bai em i tokaut long kantri long neks wik.

Minista Polye i tok baset defisit o dinau i no abrusim 35 pesen mak bilong kantri Gros Domestik Prodak (GDP). Em i tok na kantri bai go het wantaim dinau o defisit baset long sampela yia namel long 2014 na 2017.

Praim Minista Peter O'Neill i tok 2014 mani plen i sanap gut tasol baset baitait. Mista O'Neill i tokaut pinis olsem bai i no gat takis long potnait bilong ol wokmanmeri. Gavman i save kisim takis long potnait pe bilong ol wokmanmeri long sapotim baset bilong kantri.

Praim Minista i tok gavman bai yusim 2014 baset long strongim ikonmik divelopmen bilong kantri.

Ripot bilong Benk bilong Papua Niugini, i tok prais bilong gol, kopa, na sampela komoditi bilong ekspot long wok konstraksen bilong LNG i pinis nau na dispela i mekim strong bilong kina i pundaun. Na winmani bilong kantri tu i pundaun.

Bikpela mani bilong 2014 baset bai kam long takis we intenal Revenu Komisnin (IRC) i kisim insait long kantri na sampela bai kam long gavman bilong Australia na ol autsait kantri.

Ol Oposisen memba wantaim lida Belden Namah i komplem olsem gavman i bin yusim bikpela milien kina pinis we i no bin stap long K10 bilien baset bilong 2013.

Oposisien i askim gavman long wanem rot gavman bai kisim mani na stretim dinau baset.

**KAM GUT STRET:**  
Raskol, lukaut! 50 Australia Polis i kam helpim PNG polis long lukautim lo na oda hia long PNG. Hia ol i sanapim long kisim oda bilong ol. **Poto: Nicky Bernard**



# Egrikalsa i bikpela salens long 2014 baset

Stanley Nondol i raitim

**STRONGPELA toktok i go long gavman bilong Praim Minista Peter O'Neill long putim bikpela mani bilong 2014 baset i go long egrikalsa long sapotim ikonomi bilong kantri na laip bilong pipel.**

Palamen bai tokaut 2014 baset long neks wik. Egrikalsa em bikpela na namba wan samting gavman i mas putim bikpela mani.

Oposisen i tok strong olsem O'Neill gavman i feil na mekim ol pipel i i kisim taim bikos strong bilong Kina i pundaun agensim karensi bilong ol bikpela kantri. Deputi Oposisen lida Sam Basil i tok PNC Pati gavman long 2013 baset i bin putim bikpela mani long Edukesen, Helt, Trensport, na Lo na Oda na i no lukluk long egrikalsa.

Mista Basil i bin givim tok lukaut na tok Egrikalsa i baksait bun bilong kantri tasol gavman i asua na i no putim bikpela mani bilong 2013 baset long sapotim egrikalsa sekta.

Oposisen i tok PNG gavman i mas apim takis bilong egrikalsa impot olsem, poteto, pl arapela kaikai bilong gaden stap pinis long kantri, na laip stok prodak na rausim impot takis bilong ol egrikalsa samting olsem fetelaisa, masin na ol arapela samting. Dispela bai helpim ol PNG fama long groim moa ergikalsa samting na salim long PNG maket na ol yet ken kaikai tu.

Dairetka bilong Institut ov Nesenel Apes (INA) Paul Barker i tok PNG gavman i mas investim bikpela mani long agrikalsa. Em i tok putim bikpela mani long infrastraksa olsem rot, bris, trenspot long mekim isi long ol pipel bai kisim agrikalsa prodak go long maket na kisim mani.

Mista Barker i toktok long pudaun bilong kina i tok, ol ovasis kontrakta i kisim bilian kina kontrak long PNG na salim mani go aut. Em tok bikpela mani tu go aut long ol impot. Dispela I daunim strong bilong Kina na mekim prais bilong kaikai na samting i go antap.

Kwateli ripot bilong Benk Bilong Papua Niugini (BPNG) i tok kantri i mas mekim bikpela invesmen long agrikalsa long sapotim emploimen na helpim ikonomi long gro.

Gavana bilong BPNG Loi Bakani i tok strong bilong Kina i pudaun biikos mani yumi kisim long ol komoditis tu i kam daun long wol maket na PNG LNG projek klostu i pinis na planti kina i go aut long ol impot.

Kantri i lukluk long gavman bai putim bikpela mani long baset long egrikalsa. Tresari Minista Don Polye i tokaut pinis olsem gavman bai yusim mani bilong maining, oil, na gas i go long sapotim wok egrikalsa long kantri.

Minista Polye i tok agrikalsa em bikpela samting na gavman bai putim mani long en tasol em tu I tok olsem gavman bai putim mani long ol bikpela projek tasol we bai karim kaikai gut long sapotim planti pipel long planti yia.

Moa long K500 milien bilong egrikalsa, aninit long Nesenel Agrikalsa Dvelopmen Plen (NADP) we Somare gavman i putim long sapotim egrikalsa i lus long pasin korapsen.

No gat tok klia dispela taim, wanem rot o program gavman bai yusim long fandim agrikalsa. Gavman i putim stop long mani i no ken go long nem bilong wan wan kampani. Stil pasin i save kamp long dispela.

PNG Kantri Pati, na ol sampela memba bilong palamen i mekim wankain singaut long O'Neill gavman long givim bikpela luksave long egrikalsa long 2014 baset.

## Kids Savings Account

**BSP Kids Savings**  
6013 0123 4567 8910  
06/15

**A great way to help your kids save!**

- ✓ Tiered interest plan
- ✓ No account maintenance fee
- ✓ Free deposits
- ✓ Withdrawal restrictions to help you reach your goals

**OPEN A KIDS SAVINGS ACCOUNT TODAY AND RECEIVE A FREE BSP PIGGY BANK \*WHILE STOCK LAST!**

# FREE PIG

320 1212 / 7030 1212

servicebsp@bsp.com.pg

www.bsp.com.pg |

Official Sponsor of the 2015 Pacific Games

# Ok Tedi papagraun wanbel wantaim gavman

## LUKLUK BEK LONG WIK:

**KANTRI:** WOK mentenens o stretim ol rot long dispela kantri i go antap long K3 bilien. Dispela i no karamapim ol nupela rot, sif eksekyutiv opisa bilong Nesenel Rot Atoriti (NRA), Ponega Poya i tok. Mista Poya i tok ol i bin givim wok long NRA long wok wantaim Nesenel Woks Dipatmen long stretim olgeta 16 nesenel haiwe rot long kantri. Em i tok mak bilong ol rot we ol i wok long ol em 9,000 kilomita, na em i hat long ol long painim we long stretim ol rot long mani i no antap tumas. Tasol em i tok ol i painim wanpela nupela teknoloji bai helpim ol long stretim ol rot we bai helpim ol long daunim ol kos bilong rot mentenens. Ol i traim dispela nupela teknoloji long wanpela kilomita rot long Laloki, Sentral Provins.

**LAE:** TAMBU long salim buai long ol pablik ples long Mosbi i go pinis long Lae na Lae Siti Kaunsil long dispela wik i tokaut long dispela. Lod Meya Koim Trilue Leahy i tok ol polis bilong Lae Siti Kaunsil bai patrolim ol strit long Lae long lukim olsem ol lain i save salim buai i bihainim nupela lo. Tasol Lae i go wanpela step moa na skruim tambu long salim ol sigaret bikos em wantaim buai i save kamapim pipia. Mista Leahy i tok em i tambu long salim buai na sigaret long ol pablik ples, na tu, ol siti polis bai tagetim ol pik poket lain. Olsem na yu husat man long Lae i save pulim ol bilum, bek o putim han bilong yu long poket bilong ol man na stilim ol samting, mobeta yu lusim dispela pasin nau.

GAVMAN i makim pinis wanpela komiti bilong lukluk insait long bikpela toktok bilong Ok Tedi Maining long Westen provins em PNG Gavman i tekova pinis.

Dispela komiti em ol biknem lida bilong Papua Niugini yet olsem olpela Praim Minista Sir Rabbie Namaliu, olpela memba bilong Lae Bart Philemon na Pablik Sevis Minista Sir Puka Temu na Sief Seke-teri Sir Manasupe Zurenuoc bai go pas long en.

Ol bai go pas long olgeta toktok na pepa wok namel long PNG gavman na PNG Sastenebel Developmen Kopresen (PNGSDC) long lukim sapos PNGSDC bai stap yet long lukautim interes bilong ol

papagraun aninit long PNG gavman o bai ol stopim o olsem wanem.

Praim Minista Peter O'Neill i tokaut long las wiken insait long bikpela bung namel long gavman na ol Ok Tedi papagraun long ol senis na ol samting ol i kamapim.

Mista O'Neill i tok em amamas long wok bung ol papagraun wok long mekim wantaim gavman nau long kamapim klia tingting na rot bilong wok ken ron gut na ol pipel ken kisim gut ol sevis na mani bilong ol.

Mista O'Neill i tok bikpela samting nau em ol papagraun wantaim ol lida bilong ol i amamas long wok bung wantaim Gavman bihain long ol

dispela senis bilong gavman i kisim bek Ok Tedi Maining.

Ol pipel i mekim klia tu olsem ol i amamas long ol toktok bilong gavman na ol i amamas tu long serim wanem samting bikpela Ok Tedi Maining wantaim ol arapela provins long PNG we ol tu i ken kisim sevis na developmen i kam long mani bilong Ok Tedi Maining. Dispela em wankain long ol arapela wok maining insait long kantri we Gavman i save kisim mani long ol na brukim long baset long olgeta yia.

I gat ripot i kamap pinis olsem PNGSDC i kisim PNG Gavman go long kot long Singapo bikos gavman i stopim mani bilong Ok Tedi Maining

long go insait long wok bilong em. Siaman bilong PNGSDC na olpela Praim Minista bilong Papua Niugini Sir Mekere Morauta i go pas long kamapim dispela kot.

PNGSDC em praivet kampani we i bin rejista long Singapo aninit long bisnis lo bilong ol na em i save holim samting olsem 63 pesen (%) intres bilong ol papagraun bilong Ok Tedi Maining.

Lis bilong Ok Tedi Maining i pinis long dispela yia na Gavman i tekova pinis tasol bisnis han bilong em PNG Sastenebel Developmen Kopresen (PNGSDC) tasol i stap yet na i gat planti toktok i stap long en we gavman mas stretim.

## Wantok Niuspepa Ritel Stua na Strit Sale Agent Krismas Promosen Winas bilong dispela wik.

### Ritel Stua Wina

1. Jmart Supermarket – Erima
2. Kwikshop – Islander
3. Kwikshop – Tokara
4. SVS –Harbour City
5. SVS – Tabubil

### Strit Sale Agent

1. Marum Muagu –Tabubil
2. Ismael Esong - Lae
3. Cathy Mui- Lae

## PM askim olgeta memba long sapatim ICAC lo

OL memba bilong Palamen bai kamapim nupela lo bilong pait egensim korapsen long neks wik taim ol memba bilong palamen i bung. Dispela nupela lo em ol kolim Independen Komisnin Egens Korapsen (ICAC).

Dispela ICAC Lo em olpela gavman bilong Praim Minista Sir Bill Skate bin kamapim tasol ol i no bin mekim i kamap lo inap nau gavman laik kirapim gen. Sapos dispela lo i kamap bai em gat opis na wokman bilong em bilong em. Wok bilong em bai wankain liklik long wok bilong Ombudsmen Komisnin, Pablik Prosekyuta na Tas Fos Swip Tim. Em bai sekim na

painimaut ol stil na paul pasin insait long kantri na kotim husat lain i mekim dispela kain pasin korap insait long kantri.

Praim Minista Peter O'Neill i singaut long olgeta memba bilong Palamen long sapatim na mekim dispela lo i kamap tru taim palamen i bung long neks wik. Dispela lo bai helpim long daunim ol planti pasin korapsen we i wok long kamap insait long kantri bilong yumi, Mista O'Neill i tok.

Mista O'Neill i askim tu ol memba bilong Oposisen long no ken tromoi kainkain toktok nabaut long gavman. Em i tok ol i mas sindaun wantaim long palamen neks wik na sapatim

dispela ICAC lo i kamap tru. Dispela lo i gutpela bilong kantri bilong yumi, em i tok.

Dispela em wanpela bikpela lo bilong kantri na i mas kisim bikpela vot bilong ol memba mak long 73 vot. Sapos no gat inap vot bai dispela lo i wet yet inap em i kisim dispela namba mak.

Mista O'Neill i askim ol memba long noken guria long bikpela mani we i raun long pulim ol memba long egensim gavman. Em i tok dispela em pasin bilong ol lain husat i laik pulapim tasol pasbuk bilong ol na i no gat tingting long pipel bilong Papua Niugini.

Mista O'Neill i tok em i gat

rispek long pasin bilong winim ileksen na kamap memba na kamapim gavman bilong pipel na i no long kamapim gavman long pasin bilong baim ol memba wantaim mani long kamapim gavman.

ICAC bai wok long sekim na mekim wok painimaut go insait long ol pasin korapsen insait long ol gavman opis na bisnis na planti ol wok developmen na sevis insait long kantri we planti milien kina save go long en na lus nabaut

ICAC lo em wanpela bikpela bisnis we palamen i mas kamapim long Novemba miting wantaim bikpela baset bilong 2014.

## CPL 2013 Praid bilong PNG Awod

CPL Grup Limited i tokaut pinis long sikispela meri i winim Praid bilong PNG Awod bilong ol Meri long wik i go pinis.

I gat sikispela meri wina, tripela bilong Pot Mosbi na tripela long ol ausait senta.

Meri husat i kisim **Breveri na Karis Awod em Mato Posu**, wanpela wod kaunsila bilong Pot Mosbi Not Wes. Mato i bin kisim luksave bilong em long NCD Gavana Powes Parkop long gutpela pasin lidasip. Gavana Parkop i bin makim em long was long pastaim Praim Minista bilong Australia, Julia Gillard taim em i bin go lukluk raun long Gerehu maket.

**Nara Keti** i kisim luksave long **Ke na Kompason Awod** long em i save ranim Buk Bilong Pikinini Laibreri long wod bilong ol pikinini long haus sik long Wod 2C na D insait long Pot Mosbi Jeneral Haus Sik. Buk Bilong Pikinini Laibreri i stap we ol pikinini i gat sik TB, HIV/AIDS na malnutrisen i save

kisim marasin.

**Ruby Matane** bilong Is Nu Briten i kisim luksave long **Komyuniti Spirit Awod**. Ruby em i wanpela kaunsila, trena na maus meri bilong hevi bilong ol meri. Em i save ranim Grace Kaunseling Sevis na em i save lukautim ol meri i kisim bagarap long han bilong ol man inap long 15-pela yia. Em i no bin kisim wanpela helpim long ausait tasol em i gat opis bilong em yet na em i helpim pinis 5,000 meri na pikinini insait long 6-pela yia.

Luksave bilong **Edukesen/Rol Model** i go long **Martella Kuman** bilong Simbu. Martella i pinisim gret 6 na kisim namba wan wok olsem klina, tasol em i gat bikpela laik long skul moa yet. Wantaim gret 6 setifiket bilong em, em i mekim moa skul wantaim CODE na i pinisim gret 7 na 8. Em i aplai long nes eid skul na em i go yet long skul inap nau em i pinisim Nesing Digri bilong em long

UNPNG Skul bilong Marasin na Helt Saiens.

Martella em i soim gutpela piksa bilong ol meri i ken bihainim long kisim moa edukesen.

**Jennifer Baing Waiko** em i kisim luksave long wok bilong **Environmen**. Jennifer em i bilong Dampi Dampi haus lain bilong Atzera long Markham Veli. Em i pikinini meri bilong olpela memba bilong Palamen, na Sif long ples, Andrew Baing.

Jennifer i save stap long Markham wantaim man bilong em na tupela pikinini bilong em. Em i save lukautim famili egrikalsa bisnis.

Em i no save yusim ol marasin long groim ol kakao bilong em bilong wanem em i laik lukautim bus na graun bilong em.

Em i save menesim wanpela wok bilong em yet, SAVE PNG. Em i save yusim midia long skulim ol pipel long stap helti

wantaim gutpela pasin bilong wok egrikalsa na gutpela kaikai bilong graun stret.

**Joanna Oala** i kisim **Awod bilong Yangpela PNG**. Joanna em i gat 19 krismas na em i Presiden bilong Pot Mosbi Yut Adolesens Helt (YAH) Klap aninit long Yang Kristen Women Asosiesen (YWCA). Em i stap tripela yia olsem presiden bilong YAH klap.

Joanna em i bilong ples Hanuabada na em i stadi ikonoms long UPNG. Em i soim gutpela piksa bilong strongpela meri na em i gat lidasip long laip bilong em.

YAH klap i save tokaut na skulim ol praimer skul na sekenderi skul pikinini long lukautim ol yet long taim ol i raun wantaim man o meri. Ol i save skulim ol long no ken hariap long slip wantaim ol boi pren o gel pren bilong ol taim ol i yangpela yet, bai ol i no ken kisim sik na hevi long laip bilong ol.

## PAINIM OL STRINGA O FRILENS RAITA LONG OL PROVINS

**Wantok Niuspepa** i painim ol stringa/frilens raita o lain i ken raitim ol nius stori long Tok Pisin na salim i kam long mipela long putim long pepa bilong yumi ol PNG stret. Mipela i laikim ol stringa long Hailans rijon olsem Sauten Hailans na ol provins olsem Simbu, Enga, Jiwaka, Hela na Westen Hailans Provins. Long Momase rijon na ol provins olsem Is na Wes Sepik, Lae na Madang na long ol Niugini Ailans provins olsem Is Nu Briten, Wes Nu Briten, Manus, Nu Ailan na Otonomes Rijen bilong Bogenvil. Mipela i gat inap stringa long Mosbi na olsem Sapos yu wanpela skul tisa, wok manmeri long gavman, praivet sekta na sios, o yu wanpela manmeri i gat save na laik long rait na yu laik promotim provins na ples bilong yu, salim pas long intres bilong yu, o salim email o ring i kam na toktok long Ekting Edita. Ol kontek edres na telepon namba em: **The Acting Editor, Wantok Niuspepa, C/- Word Publishing Company, P O Box 1982, Boroko, NCD. O email: editorial@wantok.com.pg o ring long telepon namba 3252500 o feks 3252579.**

# Australia salim 50 AFP polis i kam long PNG

**FIFTI (50) memba bilong Australia Federal Polis bai wok olsem edvaisa long Royol Papua Niugini polis Konstebuleri stat long dispela wik.**

Long Mande dispela wik 30 memba bilong Australia Federal polis man na meri i kam pinis long Papua Niugini olsem namba wan lain long dispela 50 polis. Ol bai i kam long tripela grup, wanpela i kam pinis na tupela bai i kam bihain. Tenpela bilong ol dispela polis em ol meri.

Hai Komisina bilong Australia long PNG, Deborah Stokes i tok long Mande olsem 37 bilong ol bai i stap long Pot Mosbi na 13 bai go long Lae. Wok bilong ol dispela polis man na meri em olsem edvaisa bilong Royal Papua Niugini Konstebuleri (RPNGC) long olgeta stesin ol i stap long en.

Ol dispela 50 polis i bringim namba bilong ol AFP Polis long PNG i go antap long 67. I gat narapela 17 i stap pinis long PNG na mekim ol narapela wok i stap. Tenpela bilong ol em i no yunipom polis tasol ol i mekim ol administresen wok wantaim PNG Polis Kon-

stebuleri.

Ol dispela polisman na polismeri bilong Australia bai helpim ol PNG polis long wok bilong ol tasol ol bai i nogat pawa long kotim na putim trabel lain long rumgat. Dispela em i wok bilong ol PNG polis yet. Tasol long wankain taim tu, bai ol i no inap long pasim ai long wanem samting ol PNG polis i mekim. Sapos ol i no mekim stretpela pasin, em ol AFP polis i stap long stretim o long salim ripot i go long ol bos bilong konstebuleri.

Mis Stokes i tok, dispela em i wanpela hap helpim bilong Australia long wok bilong Lo na Jastis long kantri.

"Australia i gat strongpela tingting tru long helpim lo na jastis. Mipela i mekim wankain wok tu long Afganistan, Is Timor na ol arapela ples we Yunaitet Nesen i salim ol," em i tok.

Wan wan memba bilong AFP bai i gat wanpela yia long stap long kantri tasol, kontrak bilong AFP wantaim RPNGC em bilong planti yia. Dispela wok em i bihainim tok-tok wanbel bilong Praim Minista Peter O'Neill wantaim olpela Praim



**Australia polis i bungim yanpela sumating long ples balus long taim ol i kamdaun long Jackson ples balus long dispela wik. Foto: Nicky bernard**

Minista bilong Australia, Kevin Rudd.

Ol AFP polis bai putim yunifom bilong ol yet tasol ol bai i gat wan-

pela pas pas long han ol i kolim 'brassard' long han bilong siot bilong ol wantaim mak bilong RPNGC.

Mis Stokes i tok olsem dispela em i hap bilong bikpela moa program bilong modenaisesen bilong polis long Papua Niugini.

## Nambawan Supa i gat nupela CEO

GARRY Tunstall nau i kamap Sif Eksekutiv Opisa bilong Nambawan Supa.

Mista Tunstall em i wanpela man i gat moa ekspirians olsem Senia eksekutiv menesa wantaim 40 yia long wok bilong benk long Midel is na long Australasia Rijen. Em i bin holim 6-pela wok Dairekta na i bin stap siaman bilong planti kopret kampani. Pastaim long dispela Mista Tunstall i bin Menesing Dairekta bilong ANZ Benk PNG Ltd na Hetman bilong Not Wes Pasifik long Pot Mosbi.

Siaman bilong Nambawan Supa, Sir Nagora Bogan i tok welkam long Mista Tunstall na i tok, "Mista Tunstall i bringim strongpela lidasip na save long lo na pasin

bilong ranim benk na ol fainens bisnis. Em i gat bikpela ekspirians long wok insait long PNG na long intenesenel maket."

"Em i gat gutpela stori bilong wok long developmen na long promotim ol Papua Niugini wokman na meri, na long kamapim gutpela kastoma sevis. Dispela ol stori bilong em bai i givim gutpela helpim long ol memba bilong Nambawan Supa Limited na mipela i amamas long kisim em," Sir Nagora i tok.

Nambawan Supa i save lukautim K3.8 billien bilong ol 131,000 memba bilong supaenuesen husat i save wok long praivet na pablik sekta wantaim.

### AusAID opis i go wantaim Foren Afes na Tred

Gavman bilong Australia i tokaut long wik i go pinis olsem opis bilong AusAID i go aninit long bikpela Dipatmen bilong Foren Afes na Tred.

AusAID pinisim taim bilong em olsem opis i sanap bilong em yet, long 1 Novemba 2013. Dispela

bai bungim wantaim olgeta polisi na ol program bilong foren afes, developmen na tred long gutpela na pasin i stret.

Hai Komisen bilong Australia long Pot Mosbi bai holim yet ol lain i wok pastaim long AusAID, na ol bai wokim yet wok bilong ol

long lukautim ol projek Australia i save givim maning long sapatim insait long PNG.

Australia tu bai stap strong yet wantaim maning helpim long Papua Niugini. Wok bilong bringim gutpela na strongpela wok developmen bai i stap yet long PNG.



**Ol Geograpi Tisa i makim ol Gret 12 eksam pepa long Getwe Hotel. L-R Lucy Lapan (Tokarara Sekenderi Skul), Tavui Mala (Gerehu Sekendri Skul), Walfridis Soallili (Mesauka Sekenderi Skul)**  
Ol 500 tisa bilong gret 12 nau i stap long Pot Mosbi long makim eksam pepa bilong ol Gret 12 sumatin. Ol tisa i stap tupela wik long makim ol eksam pepa bilong ol gret 12. Ol i bruk long ol tim bilong ol sabjek ol i save skulim na makim ol eksam. Bihain long makim bai ol i salim ol mak i go long Mesamen Stendet Yunit (MSU) long ol i putim long kompyuta.

# Nugu et pos kisim helpim long Ramu NiCo

### James Kila i raitim

NUGU komyuniti long Madang-Ramu Haiwe rot long Usino-Bundi Distrik long Madang i givim tok amamas bilong en long maining kampani, Ramu NiCo Menesmen (MCC) Ltd i stretim gen Nugu et pos.

Komyuniti helt woka (CHW), Tanny Sonny i makim maus bilong Nugu komyuniti long givim tok tenkyu bihain long Ramu NiCo i

givim moa long K5,100 ol samting long stretim et pos na tu sampela kaikai mak olsem K1000 long taim bilong seremoni long opim et pos.

Mista Sonny i tok olsem em i save painim taim long bringim stendet bilong helt i go antap long ol pipel insait long Begesin eria bikos planti lain i save bilip long busmarasin na tumbuna pasin long oraitim ol sik manmeri.

Em i tok bihain long em i pinis skul bilong CHW long Braun

Komyuniti helt woka trening koles long 1998 long Finshafen na mov i go long Nugu, em i mekim planti samting long traim senisim laipstail bilong ol pipel long hap. Na wantaim helpim bilong Ramu NiCo em i amamas olsem dispela bai helpim helt sevises long eria bilong em i kamap gut.

Mista Sonny i tok em i bilip long pasin bilong serim na givim na helpim. Na em i givim salens nau i go long ol pipel insait long komyu-

niti bilong em na ol lida na ol stekholda insait long Ramu Projek long helpim wanpela arapela long kamapim gutpela sindaun na laipstail insait long komyuniti.

Em i tok wok bilong em olsem wanpela CHW na wanpela lokal lida long viles bilong em, bikpela tingting bilong em nau em long kamapim dispela et pos olsem wanpela helt senta long bihaintaim.

Mista Sonny i tok Ramu Projek em bikpela projek tru insait long

Usino-Bundi distrik. Long stat taim bilong kontraksen, kampani i bin bungim planti salens long graun, tasol em i bin wanpela man husat i sanap baksait na helpim ol kampani opisa bilong Maigari Inlen Paipain Asosiesen long stretim ol hevi na projek i ken mov i go fowat.

Mista Sonny i tok em i laik lukim Ramu NiCo i mas wok klostu wantaim Usino-Bundi distrik administresen long ol komyuniti program long helpim ol pipel long ples.

# Monty wasman bilong raunwara Kutubu

I GAT wanpela nupela liklik buk i stori long nupela pis i kamap long raunwara Kutubu na bagarapim laip bilong ol arapela pis husat i save stap bipo yet long dispela raunwara.

Dispela buk i stori long nupela pis, ol i kolim Cyprinus carpio. Ol man i karim dispela pis i go putim long raunwara Kutubu na nau pis i kamapim bagarap long laip bilong ol narapela pis.

Dispela stori buk bilong ol pikinini ol i kolim Monty and the Lake Kutubu Invasion em Carla Camilo Eisemberg, Fernando Araujo Perini, Dennis Badi na Arthur Georges i raitim. Na Fernando Araujo Perini i droim ol piksa i stap long buk.

Raunwara Kutubu em i wanpela naispela bikipela raunwara i stap 800 mita antap long level bilong solwara na em i stap namel stret long Sauten Hailans provins.

Stori i stat long wanpela moning taim Monty, wanpela pis ol i kolim Kutubu Mogurnda i bungim Melanie, wanpela narapela pis na em i stori long Monty long wanpela masalai i kamap long raunwara. Olgeta arapela pis bilong raunwara i lukim tu na ol i painim rot bilong rausim dispela masalai. Ol i go


painim wanpela saintis na stori long em. Em tu i wanbel long ol i mas rausim dispela nupela pis. Saintis i givim eksampel bilong bikipela rokrok, bilong Saut Amerika ol i kisim i go long Australia na PNG tu long mekim wok bilong kilim ol binatang. Tasol dispela rokrok i tanim gen na kilim indai ol arapela enimal bilong ples.

Dispela stori bilong Monty i gutpela stori bilong givim skul long ol pikinini olsem sapos yumi go putim ol nupela enimal o diwai samting long wanpela ples, yumi no save sapos ol bai stap gut o bai ol i kamapim bagarap na kilim ol enimal na diwai samting long dispela hap. Stori i soim ol faivpela pis bilong raunwara Kutubu stret na ol arapela enimal tu bilong wara na graun.

Buk i no karim stori tasol. Namba wan hap i gat stori bilong Monty, orait i gat tu hap we i toktok long ol nupela samting em man i karim i kam long Kutubu na nau i wok long kamapim hevi. Narapela seksen bilong buk i gat ol pilai i stap. Ol pikinini i ken pilai na lainim ol nupela samting tu. I gat 24 pes long buk wantaim ol naispela piksa na em i isi long ol pikinini i ritim.



Mona Mei i ritim stori bilong Monty and the Lake Kutubu Invasion long liklik brata bilong em Jack Kelly. Poto na stori Anna Solomon



**Papua New Guinea**


**DEPARTMENT OF FINANCE**

**NOTIS IGO LONG OL SAPLAIA BLONG OL GUDS NA SEVES IGO LONG GAVMAN DIPATMENT, PROVINCOL NA LOKOL LEVEL GAVMAN**

**2013 PASIM BLONG OL AKAUNTS**

**TOKSAVE LONG ARERE BILONG 2013 FAINENSOL YIA LONG PABLIK OLSEM:**

- Laspela dei long givim auto I niupla Integrated Local Purchase Order Claim (ILPOCS), na tok orait long komitmen igo long Gavman PGAS em long dei 14<sup>th</sup> DISEMBA 2013. Bai inogat niupela ILPOC bai go aut bihain lo displa dei, 14<sup>th</sup> DESEMBA 2013.
- Peimen bilong guds na seves igo long husat I givim ol samting long Gavman, yusim ol trupla ILPOC bai igo yet inap 31<sup>st</sup> DISEMBA 2013.
- Gavman bai baim husat saplaia sapos yu givim ol inoivis blong yu igo inap arere blong bisnis long dei 13<sup>th</sup> DISEMBA 2013. Sapos yu givim ol guds na seves pastaim long 13<sup>th</sup> DISEMBA 2013, yu bai ol baim yu long 2013 yia.
- Olgeta inoivis na wanem kain askim yu gat imas go long pei opis blong wanem Gavman dipatmen husat ibin usim guds na seves blong yu. Noken karim ol kleims bilong yu igo long dipatmen bilong Fainens.
- Toksave ken olsem Gavman bai baim tasol ol opisol ILPOC na APC na ino ol narapela kain kleim. Dispela emi Lo.



**AUTHORISED BY**  
**DR KEN NGANGAN CMA CPA**  
**ACTING SECRETARY**

## Namba 5 Melanesia kalsa so bai kamap long PNG ... Ol kalsa lida i bung

MELANESIA Ats Na Kalsa Festival (MACF) bai kamap long PNG neks yia.

Namba 5 festival bai kamap inap long tupela wik. Em bai stat long Jun 28 na pinis long Julai 11.

I no long taim i go pinis, ol At na Kalsa minista bilong ol Melanesia Spiahet Grup (MSG) At, na ol senia kalsa opisa i bin bung long Mosbi long redim dispela kalsa so na ol arapela samting i karamapim ol tumbuna kalsa bilong ol Melanesia pipel.

Kalsa na ol samting i karamapim tumbuna pasin i bikipela samting long laip bilong ol pipel long ol Pasifik rijon.

PNG i kam aninit long Melanesia grup wantaim Solomon Ailan, Vanuatu, Nu Kaledonia na Fiji. Narapela tupela grup em long Maikronesia i gat ol kantri olsem Kiribati, Federet Stets bilong Maikronesia na Polenisia i gat bikipela grup olsem Samoa, Tonga, Niue, Cook Ailan, Tahiti, Walis na Futuna, na Hawaii. Em i 15 krismas nau taim ol kantri long Melanesia i wok long holim kalsa festival ol ol i kolim Melanesia

sian Ats na Kalsa Festival(MACF).

As tingting em long lukautim na promotim ol tumbuna pasin bilong Melanesia.

Na tu, long strongim wok bung namel long ol kantri bilong Melanesia aninit long wanpela agrimen ol bin sainim long Fiji long 1998. Long dispela taim, ol i bin pasim tok long holim festival bihain long olgeta tupela yia.

Namba wan MACF i bin kamap long 1998 long Honiara, Solomon Ailan.

Long ol wok redi bilong neks yia long PNG, ol bikman bilong ol Melanesia kantri i bin bung, raun lukim ol ples long Mosbi siti we so bai kamap long en na tu, long Alotau, Milen Be Provins, em wanpela long ol ples ausait long Mosbi we festival bai kamap.

Melanesia i wanpel eria long wol i gat planti kain kain tumbuna pasin na kalsa. Olsem na ol MSG kantri i bin lukim yet long namba wan bung bilong ol long 1984 olsem ol i mas lukautim na promotim ol dispela kalsa bikos planti bilong ol i wok long lus hariap.

## Lumi pipel kisim nupela lo na jastis opis

OL pipel bilong Lumi, Sandaun Provins nau i gat ples long kisim helpim bilong lo long taim ol i ol ol i opim Komyuniti Jastis Sevis Senta (CJSC) long Lumi stesin.

Dispela i wanpela pailot projek na Jastis Minista, Kerenga Kua i salensim planti tausen pipel i bin bung long opim nupela opis, ol komyuniti, ol Palamen memba, ol lokal level gavman memba na provinsal edministresen long sapotim dispela projek.

Ol i bin statim dispela projek long narapela tupela provins, tasol ol i no wok bikos i no gat gutpela sapot i kam long komyuniti na provins.

Mista Kua i tok CJSC bai lukautim olgeta samting i karamapim wok bi-

long lo na jastis eria long distrik.

Em i tok CJSC bai lukautim viles kot, parol na restoretive jastis.

Em i tok dipatmen bai go pas long ranim opis long 5-pela yia i kam, na bihain, givim i go long provinsal edministresen long lukutim.

"Sapos yupela i gat sampela wari o hevi i long lo na jastis, yu ken kam long dispela senta. Mipela i laik kisim olgeta samting i karamapim lo na jastis long ol senta olsem long olgeta distrik na provinsal hetkota long kantri," Mista Kua i bin tok.

Em i tok gavman bai sapotim dispela projek na bai wokim baset sabemisin o ripot long kisim mani bilong mekim ol wok, Minista Kua i tok.

# Australia helpim Sonoma Adventis Koles

**SONOMA Adventis Koles long is Nu Briten i kisim nupela helt klinik, haus bilong ol nes na haus bilong ol meri i wet long karim.**

Namba tu Hai Komisina bilong Australia long Papua Niugini, Mis Margaret Adamson, i opim ol dispela ol haus klostu long olpela Rabaul taun las wik.

Ms Adamson i tok ol dispela nupela haus inap long K2.2 milien em ol i sanapim aninit long PNG-Australia incentive Fan bilong strongim moa skul bilong ol yanpela long wok insait long helt sekta.

Displa ol haus i redi long ol nupela nes i pinisim skul long kam na wok tasol long helpim komyuniti i kisim gutupela helt na i no inap wari long wanpela samting.

Dispela nupela haus slip bilong ol nes bai i gat rum bilong 100 moa meri long yia bihain. Nupela helt klinik, wantaim haus bilong nes na haus bilong ol meri wet long karim bai givim gutpela taim long ol nes na komyuniti tu wantaim.

Bai i gat narapela fud teknoloji na helt saiens blok tu long kamapim gut moa voke-senel edukesen bilong ol sumatin.

“Mi givim luksave na tok amamas long dispela koles bai givim moa sans long ol yanpela meri long senisim laip bilong ol wantaim gutpela edukesen, na bai ol i ken helpim ol famili bilong ol na komyuniti na kantri long gro na kamap gut,” Mis Adamson i tok.

Ol namba bilong ol sumatain man na meri long 2011 i soim olsem i save gat

78 yanpela meri i resis wantaim 100 yanpela man long ol sekenderi skul insait long kantri. Ekting Prinispel, Malachi Param i tok laik bilong dispela projek em long kirapim bel bilong moa pikinini meri long go long skul.

Ol rot i go long ol dispela haus i gat simen bilong ol wil sia lain tu i ken go isi long ol haus. Ol ples slip bilong ol nes meri i gat gutpela sekyuriti long lukautim ol. Skul bai yusim ol dispela hap tu long givim skul bilong nutrisen i go long ol ples klostu.

Sonoma Koles i putim K304,000 i go wantaim mani bilong olgeta haus. Ol i save givim skul bilong kapenta, tropikal egrikalsa, skul bilong tisa, bisnis stadi na i gat praimer i na elemen-tri skul.



Deputi Hai Komisina bilong Australia long PNG, Margaret Adamson na Deputi Gavana bilong Is Nu Briten, Ereman Yareng i sanap ausait long nupela haus bilong ol meri i wet long karim, bihain long ol i opim dispela na haus slip bilong ol nes.

## PNG Pawa helpim NCD helt sevis

PNG PAWA Helt Sevis i bin givim K4,000.00 long ol nes bilong NCD Helt Sevis long helpim ol long go long Nes Simposium kibung i kamap long dispela wik, long Sauten Hailans Provins.

Tim lida Helt Sevis bilong PNG Pawa, Dii Assh Kamiso i bin givim dispela sek long Dairekta bilong Kurektiv Helt long NCD Helt Sevis, Dokta Jerry Tanumei long wik i go pinis.

Bai i gat 12 o 15 nes

long NCD i go long dispela kibung. Dispela helpim bilong PNG Pawa i kam long rait taim.

Ol bos lain bilong NCD helt i amamas tru long PNG Pawa na i tok tenkyu tru.



L-R Dii Assh Kamiso, tim lida, Helt Sevis long PNG Pawa i sekan na givim sek long Dokta Jerry Tanumei, Dairekta bilong Kurektiv Helt, NCD Helt Sevis.

## GG sainim kontrak bilong skul teks buk

**Stori i kam long opis bilong GG**

LONG pinis bilong mun Oktoba, Gavana Jeneral, Gren Sif Sir Michale Ogio, i sainim wanpela kontrak agrimen bilong baim na saplain ol risos teks buk inap long K15,993,600.00 (fifin milien, nain handet nainti tri tausen, siksi handet kina).

Kontrak ol i stap namel long Pearsons Edukesen Australia na Seketeri bilong Edukesen, Dokta Michael Tapo i makim PNG gavman.

Dokta Tapo i tok ol stori Edukesen Dipatmen i bin kisim i soim olsem i gat 10-pela ol moa sumatin i save yusim wanpela teks buk insait long ol Praimeri Skul na 4-pela o moa long

ol sekenderi skul.

Em tok, Gavman i givim fri edukesen long elemen-tri i go long gret 12, tasol i gat ol narapela hevi i pasim dispela tingting long karim gutpela kaikai. Wanpela bilong ol em ol skul i sot tru long ol karikulu teks buk saplai.

Dokta Tapo i tok moa olsem long K30 milien stap aninit long rikaren ek-

spendisa baset, ol i yusim K15, 993,600.00 long dispela kontrak namel long PNG na Pearsons Edukesen (Australia).

Nesenel Eksekutiv Kaunsel i givim kontrak long Pearsons Education Australia bihain long ol winim tenda aninit long CSTB bihainim wanpela niuspepa edvetismen long Novemba 2011.



Martin Dean na Carlo Matthyssen i makim Pearson Education Australia na Seketeri bilong Dipatmen bilong Edukesen, Michael Tapo i sainim kontrak wantaim Gavana Jeneral Gren Sif Sir Michael Ogio long gavman haus.

## Alesco Perol Sistem i kamap long Wewak

IS Sepk Provins i lonsim Alesco Perol sistem o Human Risos Infomesen Sistem tupela wik i go pinis.

Ol i kamap namba 12 provins na las provins long Momase Rijn long kisim nupela Alesco Perol sistem.

Ekting Fes Asisten Seketeri bilong Kopret Sevis Wing, Etwan Apai i lonsim dispela perol sistem long opis bilong Is Sepik Provinsel Divisen bilong Edukesen hetkota. Ol tisa na sumatin na ol woklain bilong edukesen opis i bin kamap long lukim tu.

Misis Apai i tokim ol provinsal divisen bilong edukesen long ol i mas lukautim na yusim

gut dispela sistem na i no ken senisim nabaut.

Alesco Sistem em i perol sistem ol gavman dipatmen i save yusim long holim stori bilong wan wan wok man na meri long stretim pe bilong ol.

Ol perol na human risos opisa bilong provins bai kisim wanpela trening long yusim dispela sistem long ol i ken putim stret stori bilong ol tisa i go insait long kompiuta sistem. Bai ol i no inap salim i go long Waigani.

Ol narapela Provinsal Divisen bilong Eduksen husat i stap pinis long Alesco sistem em Atonomus Rijn bilong Bogenvil, Sandaun, Manus, Wes

Nu Briten, Is Nu Briten, Isten Hailans, Morobe, Simbu na Milen Be.

Ol perol opisa bilong Provinsel Edukesen dipatmen nau bai i ken stretim rekot stori bilong ol tisa long provins bilong ol yet na i mekim wok i isi tru.

Bipo long pinis bilong dispela yia, Alesco Sistem bai i go long Oro, Madang na Westen Hailans.

Long 2014 olgeta Provinsal Divisen bilong Edukesen bai yusim dispela perol sistem. Tasol sampela narapela wok olsem bilong putim stori bilong ol nupela tisa long sistem em bai stap yet wantaim Edukesen Dipatmen long Waigani.

### AGRICULTURE TRACTORS

- Slashers
- Disc Ploughs
- Disc Harrows
- Post Hole Augers
- And Other Attachments for Farming

90hp  
70hp  
50hp

AGMARK MACHINERY

PORT MORESBY: 323 7957 | Digital: 7215 0333 / 7217 9815  
LAE: 472 6324 KOKOPO: 982 8748 | email: machinery@agmark.com.pg



# PM, Wanem tok em i trupela,? Tok yu tokim ol PNG o tok yu tokim ol Australia?

**Hia long ples Praim Minista i tok long ol gutpela projek bilong senisim laip olsem Purari Haidro em i westim mani. Tasol long Australia em i tok, dispela em i wanpela bikpela projek na Gavman i laik strongim long go het. PM i mas noken gat tupela maus.**

Praim Minista i mas stop long mekim tupela toktok long nupela Purari Haidro Skim long Galp Provins. Em i tokim ol pipel long Western Provins olsem dispela projek em i westim taim na PNGSDP i noken tromoi mani long en.

Tasol em wok long tokim ol Australia nau olsem em i wanpela bikpela projek na Gavman i wok strong long helpim em i go het.

I luk olsem Praim Minista i no save long toktok stret. Em i mas tingting gut long wanem samting em i trupela na wanem samting ino trupela.

Praim Minista i tokim ol lain long wanpela bisnis belo kaikai long Brisbane olsem "Gavman i tingting pinis long kamapim moa long dispela bikpela projek. Mipela laik mekim em i kamap. Mipela laikim North Queensland na Northern Australia long patna wantaim mipela long developim dispela projek."

Tasol insait long Papua New Guinea, em i save daunim wok bilong PNGSDP long em i yusim mani long Purari skim, em join vensa wantaim Origin Energy bilong Australia, na tu long narapela nupela proposal we i bilong wokim wanpela taun na basis long biksolwara, na ol narapela infrastraksa long Daru.

Long Oktoba 21, toktok i kamap long opis bilong Praim Minista olsem, "ol bai stopim mani i go long ol rabis projek PNGSDP i wok long ol, olsem Cloudy Be Timba, Daru taun na basis na Purari Haidro"

Praim Minista i mas tok tru long pablik olsem PNGSDP tasol i helpim Purari Skim i kamap olsem nau em i stap. Em i wanpela bikpela proposal stret, na PNGSDP i yusim planti milien kina long en.

Dispela projek wantaim plen bilong Daru taun na basis, i gat bikpela wok long kamapim gutpela ikonomi bilong Western Provins long bihain taim. Dispela tupela skim bilong PNGSDP i wok bung wantaim, na i gat bikpela promis bilong gutpela sindaun bilong Western na Gulf Provins na tu long olgeta Papua New Guinea long bihain.

Purari Pawa bai i go insait long karim pawa i go aut long nesen na tu long ol ruel projek. Na sapos i gat moa pawa, ol i ken salim tu i go long



Australia. Dispela bai daunim tru ol kos bilong pawa long OTML na ol nupela maining projek, na kamapim nupela mak bilong industri olsem Western Province Aluminium Smelter na ol infrastraksa i go wantaim.

Purari Haidro na Daru Taun na basis i gat bikpela mak bilong kamapim ol wok na we bilong kisim moa mani na kamapim gutpela sindaun bilong ol pipel. Em ol dispela kain skim tasol bai kamap olsem strongpela bun baksait bilong Western Provins na Praim Minista i mas luksave long wok bilong PNGSDP insait long developmen bilong ol pipel.

PNGSDP i gat hop olsem Praim Minista bai putim sampela mani bilong Gavman long strongim dispela tupela projek bilong ol i ken go het na em i noken stopim ol nating, olsem em i tokim olgeta Papua New Guinea.

Sapos em i no putim mani igo insait long dispela tupela projek, em bai soim olsem Western Provins em i kamap namba tu lain tasol long kantri, na em i rausim rait bilong ol long i gat gutpela stap bilong ol long bihain taim.

PNGSDP i ken salim olgeta toksave na rekot em i dia tumas, na save em i gat long Daru taun na basis na Purari Haidro Skim."

**Mekere Morauta KCMG**  
Siama

# Meri Amerika helpim ol bisnismeri



Marga Fripp i toktok long ol bisnismeri insait long Amerika Embesi long dispela wik.

## Frieda Kana i raitim

**WANPELA bisnismeri bilong Amerika i kam long PNG dispela wik long helpim ol meri i gat liklik o namel sais bisnis insait long kantri.**

I bin gat 15 ol meri i kamap long namba wan kibung bilong Marga Fripp, insait long konprens rum bilong ol Amerika Embesi long Pot Mosbi long Mande.

Misis Marga Fripp em i ranim wanpela NGO, 'Empowering Women in Micro-Enterprise' o Strongim ol meri long Maikro Enteprais. Em i save helpim ol meri husat i laik kirapim liklik bisnis tasol ol i painim hat long mekim.

Misis Fripp i kam long PNG wantaim helpim bilong Amerika Embesi i bringim long helpim ol meri husat i gat liklik o namel sais bisnis o, i laik statim wanpela. Long Mande, em i givim wanpela gutpela toktok long ol meri husat i bin kamap. Dispela toktok bilong em, i kirapim stret tingting bilong ol dispela meri, na ol dispela meri tu i kam wantaim ol tingting bilong ol yet long helpim narapela insait long grup long go het long mekim wok ol i gat laik long en.

Misis Fripp em i sitisen bilong Amerika tasol asples tru bilong em Romania long isten Yurop. Em i bin stat wok olsem wanpela nius ripota taim em i gat 20 krismas. Em i bin wok strong long autim ol hevi bilong ol meri na ol planti samting we i no gutpela long ol pipel

we gavman i save mekim. Na taim em i winim 22 krismas gavman bilong em i rausim em long wok bilong midia, bilong wanem em i autim planti pekato tumas bilong gavman.

Em i bin lusim kantri bilong em Romania, na i go long Amerika taim namba tu pikinini bilong em i bin kisim wanpela sik na ol dokta long kantri i no inap long helpim em. Em i muv wantaim man bilong em na tupela pikinini bilong em i go long Amerika. Taim ol i go kamap, man bilong em i go long wok bilong em olsem wanpela Peace Corp volantia na lusim em wanpela i stap. Em i no save long tok Inglis na dispela i mekim hat tru long em long helpim ol pikinini bilong em na em yet. Na long sotim stori, em i go na skul gen long tok Inglis.

Misis Fripp i tokim ol meri long dispela kibung olsem, "Sapos bel bilong yu i kirap strong long mekim wanpela liklik bisnis bilong helpim yu na ol famili o pikinini bilong yu, yu no ken pret long mekim."

"Yu mas kamap wanpela bisnis lida meri. Kirap na lusim naispela isi isi laip bilong yu. Maski samting yu laik mekim bai i luk olsem hat na yu pret. Yu go het na mekim. Ol meri long Amerika tu i save pret long askim tasol mipela i painimaut olsem ol meri husat i save askim long moa pe, ol i save painim moa long \$1milien insait long laip taim bilong ol," Misis Fripp i tok.

**Ol Ritel Outlet lain!**  
**Salim moa pepa na win olgeta wik!!**

**Sapos yu salim,**

**Sapos yu salim olgeta Wantok Niuspepa insait long stua o outlet bilong yu, bai yu gat sans long winim ol dispela promosen klos bilong Wantok Niuspepa!**

*Dispela promosen bai stap long Oktoba i go long Desember 2013 taosol.*



# Tanim Tok bilong God i kamap strong

Stori i kam long Tim Scott, SIL, Ukarumpa

OL Rom-Bar pipel long Is Sepik Provins nau i ken ritim Buk bilong Aposel Luk na harim mesej o toktok long Pikinini bilong God i kamap man, na i dai long tokples bilong ol.

Dispela i bihain long wok we ol tanim tok lain bilong Onnele na ol narapela i bin mekim, maski ol kain hevi i bin stap.

Tasol pastaim long wanpela woksop i bin kamap long ples Rom-Bar, Is Sepik, ol i bin wari olsem bai nogat Baibel bilong Luk ol i tanim pinis long tokples bilong yusim long woksop.

Maski long dispela, ol tanim tok lain bilong ol wanpisin Onnele tokples, Goiniri na Wolware i bin helpim ol lain brata bilong ol.

Ol i bin putim han wantaim na wok hat na pinis long tanim ol Krismas na Ista stori i go long tokples bilong ol Rom-Bar. Tim i bin askim Sama Institut ov Linguistiks (SIL) long helpim, na tanim tok, Ben Pehrson i helpim ol.

Na Midia Teknisen bilong SIL, Jerry Walker i helpim ol wantaim rekoding na stretim ol skripsa long pipel i kam long 5-pela tokples grup i bin sindaun long woksop.

Long wankain taim, samting olsem 12-pela sumatin bilong Manus Ailan i bin kisim trening long yusim kompyuta long sampela SIL woklain long tanim Baibel i go long tokples bilong ol.

Ol sumatin i bin kisim kompyuta trening long tupela wik long Ukarumpa yet, Isten Hailans.

Charles Kowak i wanpela trensleta o tanim toktok man bilong Manus husat i bin wok wantaim ol SIL trensleta long 2002 long tanim Nupela Testamen i go long tokples Nyindrou.

Mista Kowak i lukim olsem ol Nyindrou pipel i kisim gutpela samting long kisim Tok bilong Bikpela long tokples bilong ol yet, na em bin laikim wankain long ol narapela tokples lain long Manus.



BISOP Tony i gutpela pasto na misineri.

Bisop bilong Wewak, Tony Burgess i bin dai long Oktoba 24 long Sidni, Australia. Ol famili memba i lukautim em na stap klostu long em. Ol bin salim em i go long haus sik long Sidni taim em i sik nogut tru long mun Septemba.

Funerel sevis bilong em i bin kamap long Sen Mary's Katidrel, Sidni long las wik Trinde.

Asbisop Denis Hart bilong

Melbon em wanpela gutpela poroman bilong Bisop Tony stat long taim ol i bin skul long semineri i bin go pas long lotu. Tasol Kadinel George Pell husat i bin wanklas bilong Bisop Tony i bin stap ovasis na i no kamap long funerel sevis lotu.

Wanpela susa bilong Bisop Tony, Anne Benjamin i makim famili na i tok bisop i bin sik long las tupela yia, tasol long 6-pela wik i go pinis, em bin soim strong taim bikpela sik i kisim em.

Bisop Tony i bin dai wantaim bel isi taim yangpela brata bilong em i lukautim em i stap.

Ms Benjamin i tok Tony i save amamas long ol mesej, fonkol, raun i go lukim em, ol prea na ol toktok bilong strongim emi kam long planti pipel.

"Tenkyu long tingim em, ol mesej long prea na i stori ol bin kamapim amamas. Mipela olsem famili i tok sori tu long yupela long dai bilong pasto, wanwok na pren," Mis Benjamin husat i makim Burgess famili i tok.

## EBC laik kirapim wok long Arawa

EVANJELIKAL Bratahud Sios (EBS) bilong PNG i gat bikpela laik na plen long kirapim wanpela sios brens long Arawa, Sentral Bogenvil.

Ol 6-pela sios memba, em ol hetman bilong Kompri Seket long Henganofi long Isten Hailans Provins i bin mekim tupela wik wokabaut i go long Arawa long las mun.

Senia Pasto, Tukana Kampri i bin go pas long grup na ol pipel bilog ples Siai ausait long Arawa i bin lukautim ol.

Grup i bin autim Gutnius long ol

pipel, na sapos em i plen bilong Bikman, ol bai go bek gen long Arawa na sanapim wanpela haus lotu.

Tupela man bilog Siai i tanim bel na go wantaim 6-pela hetman long Henganofi long lainim na strongim sios wok. Ol tupela man em Ian Charles na Robert Rafael Dosiria.

Sapos em i laik bilong Bikman, tupela man bai go bek long Arawa long mun Februari neks yia wantaim wanpela pasto famili long kirapim sios wok na skruim i go long ol narapela hap long Bogenvil.



## Pasin bilong yes, yes i bagarapim PNG

YUMI pipel bilong PNG i ting kantri bilong yumi i ran gut. Long wanem, yumi save olsem gavman em I bilong pipel. Displea tok em Praim Minista yet i kamapim taim em na Namah wantaim ol lain bilong ol i kamapim wanpela politikel ku na stilim gavman bilong Gren Sif Michael Somare. Tude Belden Namah i no moa i stap pas wantaim kepten, tasol ol kru boi i stap pas wantaim kepten long wanpela sip tasol na i wok long tok yes, yes "Masta Kepten" yu rait man."

Tasol sori tru, stiaman i kamapim planti asua pinis na klostu taim bai sip i kapsait. Yumi lukim long 1992 - 2002 taim PNG i kisim bikpela bagarap. Planti stil pasin i kamap long haus mani, strong bilong kina i slek i kam daun na dinau mani i go antap olsem 8.5 bilien kina o moa na klostu yumi salim kantri bilong yumi PNG.

Wankain nau olsem i soim klia pinis long dispela gavman bilong yumi nau. Ol asua olsem yumi ken lukim, palamen i kamap suprim na olgeta pasin yes, yes, i stap pinis long palamen sait tasol na oposisen i no gat namba na strong. NEC, kepten tasol, i gat strong na olgeta kru i stap aninit na harim tok na yes tasol.

Em na dispela i daunim strong bilong wanpela ami bilong gavman, em judisari. Judisari nau yet i no gat strong moa long wanem palamen i kisim ples na judisari i slek olgeta. Yumi ken lukim wok bilong Ombusman na plolis i slek na i no gat moa strong bikos Tas Fos Swip tim i stap long kontrol. Yumi ken lukim ol rot projek olsem NCD, Lae Nadzap supra haiwe, wanpela haiwe get long Sauten Hailans i no bin i stap long 2013 baset, i wok long painim milien na bilien kina pinis na tu ol i wok long awodim kontrak nating i go long ol arapela lain long narapela kantri. Dispela em i givim bikpela bel pen long asples man o kontrak. Yumi ken lukim gavman i wok long danis, danis na wok long lep rait long mani i stap yet.

Tru tumas, yumi traim na glasim ol distrik insait long PNG. Olgeta ol haus, taim Australia i bosim yumi i kamapim na nau i bruk na kamap nogut na edministresen wok long distrik i pundaun pinis. Dispela K10 milien long wan wan yia i no inap long mitim dispela kos na ol rot i no i go long distrik yet. Olsem Simbai long Midel Ramu, Kalong ples long Arowe, Tufi long Oro, Minawe long Lae, Lamalama long Enga na planti hap moa. Yumi lukim praim minista na ol kru bois i ron olsem teksi long planti kantri na hamas mani ol ron long em yumi i no save yet.

Yumi ken lukim, PNG i kamap olsem bebi na i wok long kisim bilien dola helpim mani i kam insait, tasol hat tru long kirapim ol wok senis we ol 85 pesen ol manmeri i stap long en. (Remote parts of PNG). Olsem wanem taim yumi nidim ol sevis insait long distrik na bikbus ples na gavman i lep rait yet ol milien i go long ol Pasifik kantri? Em olsem wanem? Yumi ken lukim, fri edukesen i kamap, tasol gavman i no praiorotaisim ol eria we i gat bikpela nid i stap. Olsem welfa na haus bilong ol tisa, infrastraksa bilong ol skul na planti moa. Ol tisa i no moa intres long lainim ol pikinini na planti i lusim wok pinis na ol pikinini i no lainim skul gut.

Yumi lukim ol ritrens ami, polis na CIS, gavman i no mekim amamas long ol yet na ol i stap yet long bareks na ol nupela rikrut i kam, painim hat tru long kisim ol haus. Lukim ol i provaidim bikpela sevis long kantri bilong yumi, tasol taim ol i pinis, i no gat luksave. Yumi lukim, ol stil manmeri long haus mani bilong yumi i no gat wanpela i stap long kalabus yet. Yumi lukim, malti milien kina gavman i wok long lep rait long wok bilong Tas Fos Swip tim, tasol i no gat gutpela kaikai yet. Yumi lukim pasin braiberi na stil pasin i wok go yet long ol dipatmen tasol, no gat wanpela i kisim mekim save long lo yet.

Em olsem wanem? Praim Minista na olgeta kru boi bilong em i stap insait long dispela sip olsem na lo i painim hat tru long kotim ol? Nau antap long olgeta hevi yumi bungim, wanpela bikpela bagarap moa i kamap. Em strong bilong Kina i slek i go daun olsem bipo. Dispela mak abrus na i kam daun i min olsem olgeta prais bilong ol kaikai long stua bai sut i go antap na yumi ol manmeri bai kisim bikpela taim. Lukim yumi kamapim malti bilien kina long ol maining, oil na gas indastri pinis, kakao na kopra, marin risos, bisnis indastri, timba na oil palm, foka masin na hos res, kopi na planti moa. We olgeta dispela mani, LNG em i no ansa bilong stretim bilong kina olsem Minista Don Polye i tok long en.



Ol yut lida bilong 19 ELCPNG long Mumeng distrik I sanap wantaim nupela yut dairekta, Ruben Mete (sindaun front) wantaim ol pasto. Foto: Paulus Tali

# Het bisop amamas long ol yut

Paulus Tali i raitim

HET Bisop bilong Luteran Sios long PNG, Reveren Giegere Wenge tok tenkyu na singaut long ol yut long pasin ol i wokim long lusim ol pasin nogut bilong ol.

Em i wokim singaut insait long namba 16 konprens bilong

ol long Henganofi stesis long Isten Hailans we moa long 10,000 yut i bin bung.

Bisop Wenge i bin soim piksa bilong spaida ol yangpela i mas yusim long sanap strong long laip bilong ol. Spaida i wokim haus bilong en na raun, tasol olgeta taim em i mas stap long senta o namel bilong haus.

"Olsem na taim ol yangpela i

pundaun long wanem kain hevi insait long laip bilong ol, ol i mas kam bek long senta bilong ol, em sios, we ol i kam long en na holim graun bilong ol na sanap strong," Bisop Wenge i tok.

Narapela bikman, Reveren Dokta Zirajukic Kemung i tokim ol yangpela long bilip na mekim wok bilong Gutnius i go moa yet.

Gavana bilong Morobe, Kasiga Kelly Naru, i bin bungim ol yut na tok tenkyu long ELCPNG Kainantu distrik long lukautim wok bilong yut konfrens.

Mista Naru i bin givim K10,000 long ol yut, na em i givim narapela K10,000 long ELCPNG Nesanel Yut opis insait long Lae.



AusAID i pinis nau na stap ananit long lukaut bilong Foren Afes na Tred.

**AusAID i pinis**

Dispela nem AusAid em planti pipel long Papua Niugini na ol narapela kantri long Pasifik i save gut long en. Tasol "AusAid" i pinis nau.

Gavman bilong Australia i bin pinisim wok bilong AusAid long wik i go pinis na nau dispela wok bilong ol i go insait long Dipatmen bilong Foren Afes na Tred.

AusAid i wanpela lain bilong Australia em i save lukautim ol helpim gavman bilong Australia i save givim long ol narapela kantri long wol.

Long planti yia nau dispela wok bilong AusAid i save helpim planti gupela wok developmen wok long Pasifik.

Tasol dairekta bilong PNG Institut ov Nesenel Afes, Paul Barker i tok olsem planti pipel bai paul long dispela nupela wok bilong Foren Afes na Tred.

**PNG pipel i gat bikpela laik long sisonel wok**

Ol sisonel wok long Nu Silan na Australia i wok long pulim bikpela laik bilong ol pipel bilong Is Nu Briten provins.

Ol pipel bilong PNG i laik wok long sisonel wokus program olsem dispela man husat i bin wok long wanpela fam long Australia i bin tokim ABC redio.

Samuel Sowembari, wanpela provinsal leba opisa, i bin toktok wantaim Pius Bonjui. Mista Sowembari i tok, ol i bin putim tok save wanpela taim tasol long redio na planti pipel laik kisim moa tok save. Olsem na ol i bin kamapim wanpela de bilong miting wantaim ol pipel.

Em i tok Leba Opis i wok long kisim yet ol askim i kam long ol pipel.

Aninit long dispela wok program, ol pipel bilong planti kantri long Pasifik olsem Papua Niugini, Solomon Ailan, Tonga, Kiribati, na Vanuatu i save go wok long ol fam long Australia na Nu Silan.

Tasol sampela taim ol woka bilong ol dispela kantri i save bungim hevi taim ol i kamap na i laik statim wok long Australia na Nu Silan. Sampela taim ol i painim olsem ol i no gat wok long mekim.

**Samoa i hamaim PNG long Wol Kap**

Samoa i bin kikim sevenpela trai long

hamaim gut Papua Niugini 38-4 long Ragbi Lig Wol Kap. I luk olsem Samoa i stopim PNG Kumuls long stap yet long Ragbi Lig Wol Kap. PNG i lusim pinis Ragbi Lig Wol Kap taim ol i bin lus long pilai egensim Samoa.

PNG bai pilai egensim Nu Silan long Fraide, na ol i mas traim long winim dispela pilai egensim Nu Silan husat i wol sempion sapos ol i laik stap yet long Pul B.

Adrian Lam i kosa bilong ol Kumul husat i bin lus long wanpela poin taim ol i bin pilai egensim Frans long wik i go pinis. Samoa nau bai pilai egensim Frans.

**Wes Papua bai opim nupela opis long PNG**

Wes Papua Independens lida Benny Wenda, husat i save stap long Ingran bai opim Fri Wes Papua PNG Sapta long Pot Mosbi.

Benny Wenda i tokim ABC redio olsem long mun Novemba, bikpela wok bung bai kamap namel long ol Wes Papua grup long kantri na ovasis. Bai ol i toktok long kempain long ol lokal komyuniti long wanem ol samting i mekim na Wes Papua i lus.

Benny Wenda i tok dispela opis long Papua Niugini i gat bikpela mining bikos i gat planti Wes Papua Sapta i stap pinis long Yurop na nau bai ol i gat opis insait long Pasifik Rijen.

Em i tok dispela luksave i bilong mekim ol pipel i save moa long ol hevi bilong human raits na ol bagarap ol pipel bilong Wes Papua i bungim oltaim aninit long wok lukaut bilong Indonesia.

Em i tok tu olsem maski sapos gavman bilong Papua Niugini i no save toktok tumas long wari na laik bilong ol pipel bilong Wes Papua long kisim independens, em i save olsem ol pipel bilong PNG i save sapatim ol pipel bilong en.

Em i tok ailan bilong Niugini em i asples bilong olgeta Melanesia pipel bilong PNG na Wes Papua.

Mista Wenda i tok em i bungim pinis sampela politikal lida bilong PNG na em i salim pinis askim i go long Praim Minista Peter O'Neill long lukim em, na em i wet tasol long kisim tok orait i kam long opis bilong em.

**WOL NIUS LONG POTO**



AUSTRALIA: Mega Monotreme, Wanpela jaien platypus i gat strongpela tit i bin raun long ol wara bilong Australia long 5 na 15 milien yia i go pinis. Ol i kolim em 'Platypus Godzilla' na i bikpela moa long platypus bilong tude na strongpela tit bilong em i wok long kaikaim ol liklik trausel, kindam na ol rokrok bilong wara. Ol saintis i bungim ol fosil bilong em na painimaut olsem dispela platypus i kam long taim bilong evolusen na i lus pinis.



INDIA: India i lonsim namba wan roket i go long Mars na kamap namba kantri long Esian nesen long sindaun long ret planet. Em i sut i go, komenteta bilong televisen it ok, taim ret na bilak roket i lons long skai long taim bilong em stret long spespot long Sriharikota insait long India. Dispela 350 kago roket i sut i go antap long mars we planti saintis i bin monitaim long kontrol room bilong em na amamas tru long wok bilong ol. Dispela wok program i bin kamap long yia 1963 yet.



AUSTRALIA: Fama Ean Polland i bekim video bilong ol animal welfe grup. Long bekim toktok bilong ol animal welfe grup, fama Ean Polland i mekim wanpela hait video long fam bilong em. Ol Pork indastri i bin sanap strong taim ol animal welfe grup i kamapim wanpela video we pasin ol fama i bin mekim long ol pik long fam bilong ol. Ol animal ektivis i bin putim dispela video long intanet we ol hait video i soim ol fama i no mekim gut long ol pik. Bekim long dispela video, Ean Polland i tok, mi em Australian pork produsa na mi lukautim ol gupela kwalati pik long olgeta dina tebol bilong Australia.

# Hanmak i mas karim gutpela kaikai



**D**ispela yia 2013, sampela han bilong gavman na ol praiwet kampani tu i wok long amamasin 40 yia bilong ol. Ol dispela lain i kamap long yia 1973. Em i yia Papua Niugini i kisim selp gavman long Australia.

Long dispela mun, Novemba yumi lukim Beng bilong Papua Niugini na Air Niugini i makim 40 yia bilong ol. Benk bilong Papua Niugini i mekim gutpela wok bilong lukautim mani bilong kantri na was long wok bilong ol komesel benk.


Na Air Niugini em i praiwet balus kampani tasol gavman bilong Papua Niugini i papa bilong kampani. I gat planti komplek i kamap oltaim long bikpela pe bilong baim tiket na ol sevis bilong en, tasol yumi ol Papua Niugini i amamas tru long dispela balus kampani bilong yumi.

Foti yia em i longpela taim na i bikpela mak tru sapos wanpela kampani i winim dispela mak na i wok long gro na go het yet long ol wok bilong en.

Long wiken, ol pipel bilong Mosbi i bin gat sans long lukim stori bilong Air Niugini. I bin gat wanpela so i kamap long wanpela hotel long Mosbi we Air Niugini i soim ol pablik olsem wanem kampani i stat na ol wok em i mekim insait long 40 yia i kam inap tude.

Planti manmeri na ol yangpela pipel i bin kamap na lukim. I gat planti askim long wok pailot na ensinia na ol arapela wok em ol yangpela i gat laik long mekim long bihaintaim.

Stori bilong Air Niugini i wanpela gutpela piksa i soim ol wok we bipo ol pipel bilong arapela kantri i kontrolim. Tasol insait long 40 yia, yumi



Gavana  
Loi Bakani

Jada 0131

lukim moa Papua Niugini pipel i tekova na mekim ol dispela wok nau.

Air Niugini em i wanpela gutpela eksampel bilong kampani i putim bikpela mani na taim i go bek long helpim ol wokman na meri i kisim gutpela save long wok bilong ol. Olgeta seksen bilong kampani i givim trening long ol wokman hia long PNG yet o long ol ovasis kantri. Long taim ol i kam bek, ol i karim gutpela save bilong wok, na i bihainim stretpela pasin bilong wok. Na tu, ol i strongim wok bilong kampani long gro moa yet.

Ating Benk bilong Papua Niugini tu i gat wankain stori. Long taim bilong Risev Benk bilong Australia i bin gat planti ol Australia pipel i wok long dispela benk. Tasol tude, ol Papua Niugini yet i go pas

long mekim olgeta wok.

Pasin bilong wok em i wanpela rot bilong lukim sapos ol Papua Niugini wokman na meri i bihainim stretpela pasin o nogat. Ol gutpela na strongpela lo bilong skulim ol manmeri long stretpela pasin bilong wok em i wanpela samting kantri i sot tru long en nau.

Ol lain i wok long benk i mas kisim trening long wok na ol i gat sans long go bek skul gen long kisim moa save long wok bilong ol. I gat ples bilong givim dispela kain skul na ol benk yet i go pas long lukautim.

Em i gutpela na i wanpela gutpela eksampel bilong lukluk i go het na kamapim ol samting bilong helpim ol wokmanmeri long strongim wok.

Gavman tu i bin gat kain skul olsem bipo we ol pablik

sevan i mas skul long kisim save long mekim gut wok bilong ol.

Olgeta pablik sevan i mas kisim skul long dispela hap, Edministretiv Koles, long Waigani. Ol pablik sevan i mas gat setifiket bilong dispela skul long soim olsem ol i bin skul long mekim wok bilong pablik sevan.

Dispela skul i bin mekim bikpela wok tru bipo long selp gavman na independens. Tasol tude, bihain long 40 yia, em i mekim wanem kain wok nau? Ol program bilong en i senis na kamap gutpela moa o olsem wanem? Pe bilong baim balus na haus slip bilong ol opisa i kam long dispela skul i antap moa. Olsem na namba bilong ol studen i wok long go daun.

Na skul i sot tu long ol gutpela tisa bilong mekim dis-

pela wok. Planti bilong ol i bilong ol ovasis kantri na long taim kontrak bilong ol i pinis, ol i go bek long asples bilong ol na i no gat arapela save-man long kisim ples.

Sapos gavman i no gat mani long kisim ol pablik sevan i kam skul long Mosbi, orait i gat narapela ples bilong givim wankain skul olsem i kamap long ol rizon bilong kantri o nogat? Sapos bekim bilong dispela askim em, nogat, bai yumi mas luksave olsem insait long 40 yia o moa, ol skul bilong givim gutpela save i no stap moa.

Ol lain husat i kisim wok long pablik sevis i lainim samting long ples bilong wok tasol. Na planti bilong ol dispela i no gutpela o stretpela pasin bilong wok.

Ol i no kisim gutpela skul bikos i no gat skul i mekim wok bilong givim stretpela pasin bilong mekim wok insait long pablik sevis. Tude, planti ol gutpela wokman na meri bilong gavman i ritaia nau bihain long 40 yia na ol nupela lain i tekova. Tasol gavman i luksave olsem ol nupela lain bilong tude i no kisim skul bilong mekim ol dispela wok bilong gavman.

Wanpela hevi em gavman i luksave long en em ol wokmanmeri bilong haus sik. Ol haus sik na helt senta na klinik i sot long ol nes nau bikos planti bilong ol i lapun na i ritaia long wok. Tasol namba bilong ol nupela nes i no inap bikos i no gat inap nes trening skul long kamapim namba bilong ol nes em kantri i nidim.

Praim Minista yet i luksave long dispela hevi na em i promis long kirapim gen trening skul bilong moa nes insait long kantri. Yumi tok tenkyu long Praim Minista

long luksave na tokaut long stretim dispela bikpela hevi. Long taim bilong independens, i bin gat planti ol trening skul bilong ol nes na etpos odeli insait long kantri. Tasol bikos i no gat inap mani long sapotim wan wan liklik skul, ol i pasim na bringim trening i go long tupela o tripela bikpela skul tasol. Tude yumi pilim pen bilong dispela disisen ol save-man i bin mekim samting olsem 40 yia i go pinis.

I gat bikpela populesen bilong ol yangpela manmeri i stap nating. Ol i pinisim skul na painim wok. Ating sapos i gat moa trening skul bilong ol nes na arapela wokman bilong helt, bai yumi lukim sampela bilong ol dispela lain i aplai long kisim trening.

Pasin bilong developmen i no samting bilong kaunim olsem yumi kaunim hamas mani oil na ges na gol na kopa bai bringim i kam insait long kantri bilong yumi. Yumi makim developmen tu long sindaun bilong ol pipel insait long kantri.

Yumi olgeta i save olsem mak bilong PNG long dispela em i stap daunbilo tru insait long Pasifik. Olsem na long taim yumi amamasim ol bikpela de o anivesari, em i gutpela tu long skelim tru wanem kain developmen i kamap long helpim laip bilong ol pipel long kantri tude na long narapela 40 yia bihain.

Tingim, wanem kain gutpela samting yumi planim tude, bai ol pikinini bilong yumi i pilim long bihaintaim. Sapos yumi tromoi pipia long gaden, bai ol i kaikai pipia na sindaun olsem ol tarangu lain long bihaintaim. Hanmak bilong yumi i mas karim gutpela kaikai.

# Stopim buai em gutpela lo



meri tu i no kaikai buai na spet nabaut long rot olsem bipo.

Nesanel Kepitol Distrik Komisia (NCDC) i kamapim dispela lo bilong noken salim buai long pablik ples olsem long rot na sait sait bilong stua nabaut. Taim em kamapim dispela lo, yumi ken lukim olsem ples i luk nais nau bikos ol manmeri i harim tok na bihainim. Yu husat i kaikai buai tu long pablik ples bai yu kisim sas tu olsem na ol manmeri i harim na bihainim.

Pastaim planti manmeri i komplek bikos ol i tok buai em strong bilong ol we ol i save mekim mani long en long sapotim famili na sindaun bilong ol insait long siti. Planti i tok ol i save baim kaikai, skul fi na strongim laip bilong famili long maketim buai tasol. Em ol toktok we i bin kamap

taim Gavana Powes Parkop i tokaut long dispela lo. Tasol nau yumi lukim olsem ol manmeri i stat long harim tok na bihainim na ol dispela komplek i wok long go daun na pinis nau.

Lae siti tu i laik kamapim wankain lo olsem NCD i mekim olsem na Lae Siti Atoriti (LCA) i tokaut pinis long stopim ol buai na smok maket long rot na strit nabaut. Ol bai salim polis bilong ol raun long holim na sasim husat i salim buai na smok nabaut long siti, na tu, ol bai lukluk long holim na sasim ol spak lain long rot na ol pik poket lain tu long ol bas stop, stua na maket.

Long Lae siti em buai i save kam long Madang, Sepik, Oro na Wes Nu Briten provins bikos long Morobe provins yet em nogat buai long hap. Wanwan tasol em bai kam olsem long Finsafen na ol liklik ples nabaut long hap.

Lae siti i gat planti setelmen we planti tausen manmeri mas mekim ol liklik maket long kisim strong na stap laip olsem na

buai na smok maket em strong bilong ol. Tasol em isi long ol planti tausen lain long setelmen ya ken go bek isi long ples bikos bikpela haiwe i stap na sip tu i stap.

Tasol long Mosbi ol setelmen lain husat i save kisim strong long buai maket em hat long go bek long ples sapos laip i go hat. Wanpela rot tasol em long balus na balus fe em antap tumas.

Em samting bilong ol lida long skelim na tingting long en tasol bikpela samting em yumi laik lukim ples i kamap klin na ol hevi bilong lo na oda i mas go daun.

Dispela lo bilong stopim buai insait long Mosbi siti i bin kisim sapot bilong sampela lida bilong palamen tu. Gavana bilong Nu Ailan provins Sir Julius Chan tu laikim na laik bai dispela lo i kamap long provins bilong em. Ol i wet long lukim Mosbi i wokim pastaim orait ol bai mekim. Nau em Lae Siti i muv pinis.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: [editorial@wantok.com.pg](mailto:editorial@wantok.com.pg)

Websait: [www.wantokniuspepa.com](http://www.wantokniuspepa.com)

Pe bilong wanpela yia, 52 niuspepa

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager

Elizabeth Konga

Acting Editor

Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.

# Ramu riva gat planti bilas blong en yet

James Kila i raitim

**WANPELA** lokal musik grup bilong Madang, Junior Wali Hits i singim pinis dispela song *“Wara bilong mi Ramu wara e, moto-kanu tasol i go kam”*... tasol tru tumas i gat kain kain stail na kala i stap long dispela hap wantaim moto-kanu. Mi yet mi go na lukim pinis.

Mi bin raun long Ramu wara na tru tumas taim yu ron antap long moto-kanu na pairapim bum-boks na musik i resis wantaim pairap bilong moto na tu lukluk i go long sait sait bilong bus arere long Ramu wara, em yu bai klia stret olsem Ramu i gat ‘flaua’ na kala na stail bilong en yet.

Dispela ol moto kanu em sampela save kolim ‘por’ na nogat saman bilong en. Long Ramu na tu long Keram na Sepik, sampela long ol dispela por o moto-nau em bikpela stret na i ken harim moa long 30 manmeri o moa.

Mi bin kisim moto-kanu wantaim ol wanwok bilong mi bilong Ramu NiCo Menesmen (MCC) long mekim wanpela wok painimaut long wara long sekim ol pis na ol kindam na ol arapela samting blong wara. Dispela wok painimaut em long skelim sapos wok opere-sen bilong kampani i givim hevi long ol pis na kindam long wara o nogat.

Wanpela kampani bilong Australia ol i kolim ‘Outback Ecology’ i bin salim wanpela saveman bilong en, Ninkama Yoba tu i kam long wok wantaim mipela long mekim wok painimaut. Dispela em long soim olsem wanem ol rekot Ramu NiCo i kisim i mas noken narakain i mauswara tasol. Ol bai mekim rekot bilong ol yet na givim long Dipatmen ov Envairomen na Konsevesen (DEC) na tu Ramu NiCo bai mekim rekot na givim long DEC long Gavman yet bai skelim.

Long namba wan kwata ripot bilong wok-painimaut i soim olsem wok opere-sen bilong Ramu NiCo i no givim hevi long ol pis long Ramu riva.

Mipela i statim sevei o wok painimaut long Moimara we i stap antap long het bilong Ramu klostu long Usino na Brahman, tasol long Ramu wara stret. Ol bus arere long riva i nais tru na ol pisin i flai na mekim ples i luk nais tru

Long ples Moimara, mi bin gat sans long stori gut tru wantaim wanpela bikman nem bilong em Lape. Dispela stail lapun man i givim stori long bikpela tokples ol i kolim “Krusap” we i karamapim eria bilong em long Moimara i go antap long Kurumbukari mauten na katim i go daun long Daunagar. Em i tok ol dispela lain Krusap traib o wan-pisin em tumbuna graun bilong ol em nau Ramu nikel/kobalt projek i stap long en long Kurumbukari maunten.

Dispela lapun bagaros Lape i stori planti stori we i sut long wanpela samting em mi givim intares tru long harim.

Lape i stori olsem ol tumbuna pis long Ramu wara i no sot o pinis nau bikos ol didiman na ol lain bilong Fud na Agrikalsa Ogenaisesen (FAO) i bringim ol pis bilong ovasis olsem Java Kap na ol arapela autsait pis i kam na kilim indai ol tumbuna pis long Ramu na tu long Sepik na ol arapela han wara.

Ol FAO na didiman lain i bringim ol autsait pis bilong Esia i kam long Ramu na Sepik long kilim indai gras nogut we i save gro long wara ol i kolim warahaisint. Dispela flaua gras i save gro

planti na pasim ples long wara na tu em i no gutpela long rot long bot na kanu i ron long wara.

“Tude, mipela i save pilim pilim na kaikai ol pis olsem Java Kap bikos ol i gat planti bun stret,” Lape i tok.

“Narapela samting tu em pis ol lain didiman i bringim i kam i nogat gris na swit bilong en wankain olsem makau na ol karua pis bilong mipela bikpo,” em i tok.

Ol manmeri bilong Ramu riva tude i no save kisim planti kindam na malio long wara olsem bipo. Dispela em bikos ol autsait pis i save kaikaim ol kindam long wara.

Ol narapela lain manmeri long ples olsem Sepu na Mundip we mipela i raun i go mekim aweanes i givim tingting bilong ol tu long Ramu wara. Sampela i tok olsem ol i lukim nau olsem Ramu wara i no gat planti daun olsem bipo. Graun i pulap na karamapim ol daun bilong wara.

Ol Envairomen opisa bilong Ramu NiCo i stori long ol manmeri olsem long yia 1992 i bin gat bikpela graun bruk i kamap long ol bikpela maunten long Finistia Rens na Bismark Rens na ol liklik wara i karim ol graun i go daun olsem long Ramu na dispela i karamapim planti ol daun eria long Ramu riva. Planti lain i harim na i klia nau long as tru bilong wara Ramu i lukim planti ples i nogat moa daun olsem bipo.

Taim mipela i ron long moto-kanu i go olsem long ples arere long wara mi ken lukim ol naispela bus we kanda na ol strongpela diwai olsem kwila, ton na ol arapela i gro nais tru.

Mipela i abrusim tu ol lain bilong Simbai, husat nau i yusim moto-kanu long go kam long ples bilong ol. Ol i save kisim moto-kanu long Banu bris em Ramu NiCo i wokim rot i go long bikpela bris i go hapsait long Ramu riva na go antap long Kurumbukari Main.

Wanpela strongpela toktok ol pipel long ples i mekim we em bikpela salens nau em long ol bikpela kampani olsem Ramu Agri Industri na ol arapela kofi kampani long salim ol envairomen saveman bilong ol tu long sekim wara na mekim wok painimaut sapos wanem ol marasin ol i yusim i givim hevi long wara i stap.

Long ples Mundip, wanpela komyuniti lida i tok moabeta, Ramu Agri Industri i mas helpim long karimim sevei o wok painimaut long wara bikos ol marasin em i yusim long kilim ol gras nogut na ol fetelaisa long helpim suga i gro em wara i save karim i go daun long bikpela Ramu riva long taim bilong bikpela ren.

Narapela salens ol manmeri long ples i givim em long Nesenel Fiseris Atoriti (NFA) na ol didiman long kamapim ol pis neseri o ples we ol i mas lukautim ol lokal pis bilong PNG na putim ol i go bek long wara.

Tru tumas dispela wokabaut bilong mi long moto-kanu long Ramu wara i givim mi sans long save gut long wanem hevi ol pipel i save bungim na tu laipstail bilong ol.

Moabeta, ol lida bilong gavman na ol nesenel memba bilong palamen, i mas lusim opis bilong ol na kisim moto-kanu na raun long wara na kisim tingting bilong ol pipel tu.

Noken sindaun tasol na taim bilong ileksen na ol pairap pairap long kempen na grisim ol liklik manmeri long kisim namba tasol.



Ol Ramu NiCo opisa long moto-kanu long han-wara blong Ramu riva.

Wokman bilong ‘Outback Ecology’ bilong Australia i sekim ol tilapia long Banap oksbo. Ol foto: James G. Kila

PR opisa bilong Ramu NiCo James G. Kila i holim traipela ‘Bilak Bes’ pis long hanwara bilong Ramu.

## Ol Ritel Outlet lain!

# Salim moa pepa na win olgeta wik!!

Ol Kep

Ol bilak Kola siot

Ol marun Kola siot

Ol blu Kola siot

Ol Ambrela

Sapos yu salim,

Sapos yu salim olgeta Wantok Niuspepa insait long stua o outlet bilong yu, bai yu gat sans long winim ol dispela promosen klos bilong Wantok Niuspepa!

Dispela promosen bai stap long Oktoba i go long Desemba 2013 tasol.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...

X-VIBES i kam bek



Nicky Bernard i raitim

X-VIBES ben i kam bek gen wantaim nupela musik albam bilong ol bihain long ol i bin lusim musik indastri musik klostu long nainpela yia olgeta.

X-Vibes ben i bin stat long 1980 long taim ol ben memba i bin stap long skul yet na ol i bin katim wanpela albam bilong ol.

Long dispela taim ol i bung i kam inap long nau.

Dispela nupela albam bilong ol i gat planti ol nupela singsing ol yet i raitim. Planti bilong ol singsing bilong ol i gat mining bilong em, na sapos yu harim bai yu riptim ol singsing planti taim.

X-Vibes ben i no kisim nupela ben memba, ol dispela lain taim ol yangpela na skul wantaim i

holim dispela nem na karim raun wantaim ol yet. Maski ol go pilai wantaim ol narapela ben tasol dispela nem X- Vibes i stap long blut bilong ol.

Biknem singa bilong ol Wayne Tefatu i save go singsing na bekap long ol narapela ben wankain tu olsem Steven Igal tasol taim X-Vibes i gat bung olgeta i save kam bek wantaim.

Dispela nupela albam bilong ol, em ol bin rekotim aninit long Quakes Prodaksen na man i go pas long miksina na pilai kibod em Patti Pots Doi.

Ol ben memba em Wayne Towan Tefatu, Mark Mafra Mamele, Steven Stiggy Igal, John Bombblast Mamele na Gabriel Soro Topotol.

Yu ken painim albam bilong ol long ol stua klostu long yu.

EMTV Television Guide

FONDE NOVEMBA 7, 2013

4:30 AM G AUSTRALIAN NETWORK
5:00 AM G JOYCE MEYER - 1051-4
5:30 AM G EMTV NEWS REPLAY
6:30 AM G TODAY

6:00 PM G EMTV NATIONAL NEWS
7:00 PM G RAIT MUSIK EP#187
8:00 PM G RESOURCE PNG EP#96
8:50 PM G SOKA XTRA EP#98

FRAIDE NOVEMBA 8, 2013

4:00 AM G AUSTRALIAN NETWORK
4:30 AM G JOYCE MEYER - 1051-5
5:00 AM G EMTV NEWS REPLAY
6:00 AM G RUGBY LEAGUE WORLD CUP - GAME 15 Scotland vs. USA

9:00am Grade 7 Mathematics
9:50am Grade 7 Science
10:40am Grade 8 Mathematics
11:20am Grade 8 Science

SARARE NOVEMBA 9, 2013

4:30 AM G AUSTRALIAN NETWORK
5:00 AM G EMTV NEWS REPLAY
6:00 AM G RUGBY LEAGUE WORLD CUP - GAME 16 N/ZEALAND vs. PNG

9:30 PM PGR WHITE COLLAR YR.3 EP#6/16
10:30 PM G EMTV NEWS REPLAY
.....followed by the Australia Network

SANDE NOVEMBA 10, 2013

12:30 AM G RUGBY LEAGUE WORLD CUP - GAME 17 ENGLAND vs. FIJI
2:30 AM G AUSTRALIAN NETWORK
5:30 AM G EMTV NEWS REPLAY
6:00 AM G RUGBY LEAGUE WORLD CUP - GAME 18 AUSTRALIA vs. I/LAND

TORO



BIABIA



KANAGE



TOKWIN

O'Neil bai kilim dai lam bilong PNG Pawa bos... PM i no wanpela tru taim pawa long Mosbi na Lae i wok long pas klostu klostu na askim long long boss long PNG Pawa i kam long stretim dispela wari. Tasol ekting CEO bilong PNG pawa wok long atenim dispela bung na PM askim long boss tru tru i stap o nogat. Bekim em, 'em stap long ovasis'... Em painim wanem samting long ovasis taim yumi gat bikipela problem long pawa blekaut long hia (PNG). PM em belhat nogut tru na em bai mekim sampela ol strongpela



Poto i soim ol deleget wantaim CEO bilong PNG Pawa husat i bihanim PM i go long Israel...PM i kambek pinis tasol ol lain i raun i go long England na lukim tim Kumul i pilai..

disisen long ol Bod bilong PNG Pawa neks wik, em tok. Dispela i gut tumas taim PNG i gat planti bekaut tumas na ol Bod na menesmen bilong PNG Pawa i stap long ovasis...

Oh sori, PM bai kilim dai lam bilong sampela lain long PNG Pawa.

Yumi wet na lukluk tasol...

Tokwin Tasol..

Long yupela ol gutpela Wantok rida i save wokim ol Sudoku kroswod pasel, dispela em nupela SUDOKU. Long solvim Sudoku pasel, putim wanpela namba long wan wan bokis na olgeta ro olsem akros, daun, na olgeta liklik 9-pela bokis skwea long bikipela daigrem o bokis (i gat 9-pela olgeta) bai gat ol namba long 1 inap long 9. Wanpela namba i mas kamap wanpela taim tasol long wanpela ro. Wok wantaim ol namba olsem gaid o stia na wok long pinisim wan wan daigrem wantaim ol missing namba we bai mekim yu painim solusen. Tenkyu na gutpela pilai

STATIM PILAI

Lukluk long namba 9 kolum, bilong pasel piksa i stap long han kais. i gat ol sain insait long pasel bai i ken toksave long wanem hap insait long dispela kolum bai namba 3 i go.

Nambawan sain i stap long namba 8 kolum insait long piksa. I gat wanpela namba 3 insait long namba 5 bokis. Bai yumi i no i nap long putim wankain namba tupela taim insait long wanpela 3 x 3 bokis eria, olsem na yumi bai i no i nap putim namba 3 insait long bokis namba foa, faiv o siks insait long namba 9 kolum.

Yumi ken rausim tu tripela bokis daunbilo tru long namba 9 kolum bikos i gat wanpela namba 3 insait long dispela 3 x 3 bokis eria tu. Olsem na dispela namba 3 i mas go long namba 2 o 3 bokis bilong namba 9 kolum.

Laspela sain nau i stap insait long namba 2 lain bilong piksa na em i gat wanpela namba 3 pinis long en. Loa bilong pilai i tambu long wanpela namba i kamap tupela taim insait long wanpela lain, olsem na i gat wanpela bokis tasol nau i stap long dispela namba 3 i go insait - em namba 3 bokis bilong namba 9 kolum.

Bihainim dispela stail na wankain tingting na rausim i nap ol pasel bokis i pulap olgeta. Sapos yu laik save moa long insait bilong dispela pilai, yu ken go long webait long penny-dellpuzzles.com.

EXAMPLE grid showing numbers in a 9x9 grid.

EXAMPLE SOLUTION grid showing numbers in a 9x9 grid.

Ansa bilong las wik SUDOKU 18

A 9x9 grid containing the solution for the previous week's Sudoku puzzle.

A 9x9 grid for the current week's Sudoku puzzle.

Ansa bilong SUDOKU 19 long neks isu.

EMTV Television Guide

Table listing EMTV programs for November 4, 2013, including HILLSONG, RUGBY LEAGUE WORLD CUP, and EMTV NATIONAL NEWS.

Table listing EMTV programs for November 5, 2013, including H JOYCE MEYER, EMTV NEWS REPLAY, and RUGBY LEAGUE WORLD CUP.

Table listing EMTV programs for November 6, 2013, including JOYCE MEYER, RUGBY LEAGUE WORLD CUP, and EMTV NATIONAL NEWS.

Ol Progam na Kilok i ken senis oltaim...

# Wiken poto



**AMAMAS LONG WOK WANTAIM AIR NIUGINI:** Tupela yangpela wokmeri bilong Air Niugini i bin stap insait long Open De olsem hap bilong 40 yia selebren bilong kampani i bin kamap long Mosbi long las wiken.



**GAT LAIK LONG KAMAP PAILOOT O?:** Wantaim laik long wok long Air Niugini taim em i pinisim skul, dispela skulmeri ya i lukluk long ol balus na ol narapela samting we Air Niugini i putimaut long pablik i lukim long Open De So kampani na ol wok lain i bin putim kamap long las wik Sarere.



**LAIK SAVE MOA:** Ol yangpela ya i putim sampela askim i go long wanpela pailot bilong Air Niugini long Open De na em i givim bekim long ol. So i bin kamap gut stret na planti manmeri na ol pikinini i bin raun i go long so na lukim ol wok kamap balus kampani bilong kantri, Air Niugini, i kamapim, ol sans we ol skul pikinini na ol narapela i pinisim skul i gat wantaim kampani long sait bilong wok.  
**Ol Poto: Nicky Bernard**

# Raun wantaim Kanage olgeta wik

**Lapun bilong Bukawa**  
Wanpela taim em i kam bihain tru long taim bilong wok na waitman i askim em: "Where have you been?" Lapun Kanage i kirap na bekim: "Sori masta, no gat bin long maket."  
**Regina Tagwi Anoram**

**Ekting Tolai**  
Kanage em bilong Banz tasol em save toktok olsem em bilong Tolai. Kefiu long Hagen na ol polisman bungim Kanage long rot. Ol kisim em i go long polis stesin na wanpela Tolai polisman i askim em: "Yu bilong wanem hap?" Kanage i bekim: "Rabaul...ee." Polisman i askim gen. "Wanem liklik ples bilong yu?" Kanage smail tasol na tok: "Kopex...ee." Polisman em belhat nau na askim em long wanem tok ples bilong em. Kanage i lukluk long polisman na tok. "Aleeee...ai." Kanage i no pinisim gut toktok na polisman putim wanpela han long maus bilong em.  
**Navi & Munare Hagen**

Wanpela nupela marit bilong Arowe i gat wanpela nupela pikinini. Tupela i wok long painim nem bilong givim long pikinini meri bilong tupela. I no longtaim na Kanage i kamap na kolim nem Maria. Tasol mama i les na bekim. "Nogat! Dispela em nem bilong susa tru bilong mi. Nogut em bikpela na raun nabaut na bagarapim nem bilong gutpela susa bilong mi." Olsem na Kanage i kolim nem Stella. Tasol man Arowe i bekim: "Nogat! Dispela em nem bilong poromeri bilong mi. Nogut dispela nem tu bagarap." Kanage harim dispela toktok na em i kalap i go ausait long windo. I no longtaim na man Arowe singaut na ron wantaim pes solap i kam ausait long haus.  
**Jimex & Kila Aurox**

Poromeri bilong Kanage tokim em long go wet long Jackson's Ples Balus long 6 klok apinun. Tasol Kanage kirap long 5 klok moning wantaim hap spak bilong aste nait i stap yet na go long ples balus. Boi wet i go inap long apinun na pispis kilim em stret. Kanage i go long



sekyuriti na askim em: "Excuse me, sir, can I borrow your toilet?" Sekyuriti kirap na tokim em, "stop playing up, man." Tasol Kanage i bekim: "Hey bras, i am not playing up. I'm playing down."  
**Ben Sano NCD**

Kanage em bilong Sepik na em sindaun salim sampela bun bilong muruk wantaim ol arapela kaving long Anoram maket. I no longtaim wanpela turis bilong Japan i kamap na askim Kanage, "Hey! What's that?" Kanage bekim: "It's a bun muruk! It's made of good wood, hard wood, and one of the member wood."  
**J Copper Anoram**

T a m b u b i l o n g Kanage i lesman na i save slip tasol long haus. Wanpela nait em slip i stap na harim ol man karim ol dok na painim wel pik long bus. I no longtaim na sotgan i pairap. Tasol boi i givim slip olgeta. I no longtaim em i kirap nogut long harim garamut i pairap arere long haus bilong em. Em i kam ausait na lukim ol pik na kirap tok, "Oses, Oses, longtaim yet mi wok long harim ol dok mekim save pairap antap long bus. Na bihain sotgan i singaut sutim wel pik. Na nau gen. Garamut i toktok long ples."  
**Aesi Arken Drekkik**

Kanage em wanpela man bilong pilai ragbi stret. Wanpela taim, ol polisman long wanpela liklik stesin wokim pilai spots de. No gat man long referi na ol i askim Kanage long refim gem tas bilong ol. Kanage i sanap namel long fil na statim gem. Ol polisman pilai i go na Kanage singaut, "Kam bek na givim ten." Pilai bilong ol polisman i go

strong olgeta na arapela tim kam klostu long trai lain bilong tim bilong Wakop. Ol pilai kirap nogut long harim Kanage singaut olsem "Wakop yu opsait! Penolti bilong arapela tim." Ol arapela pilai bilong tim askim Kanage olsem wanem na Wakop opsait. Kanage smail tasol na tok. "Yupela sanap stret long lain, tasol bel bilong Wakop abrusim lain. Olsem na mi givim penolti." Ol polisman lus tingting long pilai na ol holim bel bilong ol na lap dai stret. Wakop belhat na ronim Kanage i go ausait long fil.

Kanage em bilong ples Langam. Wanpela taim Kanage i kam raun long Anoram long wanpela Sarere. Kanage i go long ples ol meri Maskenduo na Kambaramba save salim pis long em. Kanage i wokabaut i go na em i lukim wanpela meri Anoram i go baim pis i stap. Kanage go sait long em na giaman long baim pis. Kanage kirap isi tasol na holim sait bilong meri ya. Meri Anoram kirap nogut na tokim Kanage, "Yu nogat sem, yu lapun pinis!" Kanage belhat na tokim meri Anoram, "Yu lukim mi lapun. Yupela yangpela i no gat inap save long sapim kaving. Tingim mipela ol lapun kela save mastamain na soim kain kain stail bilong mipela." Meri nogat toktok na holim han bilong Kanage na tok isi long ia bilong em, "tru tru, yupela tasol na kalsa i sanap strong."  
**Priest Ange Anoram**

Tambu bilong Kanage go stap long ples bilong meri bilong em long Hoskins. I no longtaim na wanpela bikpela sik kisim em na em igo long haus sik. Em i go slip long haus sik rum namba 1066 i stap na Kanage i kam long lukim em. Kanage lukim em na askim, "Tambu, bipo yu pat nogut tru tasol nau yu slek olgeta. Yu kaikai wanem na yu sik?" Tambu bilong Kanage kirap na bekim, "Tambu, man yu no save olsem Hoskins em ples bilong kotkot. Mi kaikai drai singapo wantaim kotkot na olgeta samting i go slek olgeta."  
**Theo Pukam Kimbe**

**Ol skwat! Teksim ol gutpela Kanage tok pilai i kam long:**  
**Txt: 72356149**

# Mi raun wantaim wanpela marit man

**Dia Laipain,**  
MI painimaut olsem man mi raun wantaim i gat meri. Na mi no bilip long lav bilong ol man husat i marit pinis.  
Tasol mi gat bikpela laik long em na mi laikim bai mitupela i serim laip wantaim. Yu ting olsem wanem? Em i orait long mi raun wantaim man ya o mi tokim em long lusim mi.

**Confused**  
**Dia Pren,**  
Yu gat bikpela laik pasin long wanpela man husat i marit pinis long meri we i gat wankain laikim olsem yu.  
Mipela i luksave long ol manmeri husat i save painim isi long gat laik pasin long narapela na long ol manmeri i save painim hat tru long lusim ol.  
Mipela i laikim olsem yu mas lukluk long dispela na skelim gut pastaim, nogut yu gat bel we yu no laikim



pikinini long en sapos i tru olsem dispela man em i stap pas wantaim meri na famili bilong em.  
Yu mas save olsem sapos yu gat wanpela pikinini i no gat papa, bai yu bungim bikpela hevi sapos yu no gat gutpela wok na haus long lukautim pikinini bilong yu.  
I gat planti man husat i gat wankain krismas olsem yu we yu ken poromanim na bihain taim, i ken maritim yu na karim ol pikinini olsem blesing God papa i givim.  
Em bai gutpela sapos yu na pren bilong yu wantaim meri bilong em i mas

lus tingting long dispela pren pasin na yu helpim dispela man long stap gut wantaim meri bilong em na lukautim em.  
Serim dispela wantaim wanpela famili man o meri husat yu ting olsem yu ken trastim o askim pasto long givim yu ol gutpela stiatok na tu, pren long yu.

**Tenkyu tru, Mi Laipain**  
**Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na edres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.**  
**Laipain**

# PNG na Taiwan i redi long wok bisnis

## Stanley Nondol i raitim

**PAPUA Niugini na Taiwan i reedi long wik bisnis na strongim pren namel long tupelo kantri long tred, na baileterel wok.**

Dispela i kamap klia bi-hain long Minista bilong Komes Tred na industri, Richard Maru i go long Taiwan na lukluk raun na toktok wantaim ol lida long bisnis na gavman bilong Taiwan long las wik.

Minista Maru wantaim, Menesing Dairekta bilong invesmen Promosen Atoritil Ivan Pomaleu na Sekreteri bilong Komes na industri John Andrias taim i kam bek long Taiwan i tok, i gat bikipela rot long PNG i ken pulim planti invesmen long Taiwan.

Mista Maru i tok PNG i ken lainim planti samting long kisim strong long Taiwan long groim SEM bisnis. Taiwan SME i sapatim moa long 98 pesen bilong GDP na 69 pesen bilong wok.

Em i tok Taiwan i soim bikipela laik long wok wantaim PNG long SME bisnis, maining, egrikalsa, fiseries na planti moa.

Minista Maru i tok PNG na Taiwan i bin sainim MoU pinis tasol dispela i no bin wok strong na dispela tupelo Tred Fe bilong Taiwan long PNG long 2012 na 2013 na raun bilong Maru na tim bilong i go long Taiwan bai strongim MoU namel long tupela kantri.

Em i tok i gat sans long

PNG i ken kisim skolasip na go stadi long Taiwan, kisim dinau mani long mekim SME bisnis, na ol arapela teknikel korpresen long strongim pren namel long tupela kantri.

Minista Maru i amamas long dispela raun bilong ol long Taiwan na em i tok i gat planti ol arapela sans we PNG i ken mekim bisnis wantaim Taiwan long forestri sekta, klin eneji, sola pawa na planti sans long kisim planti helpim long stretim Angau haus sik.

Minista Maru i tok Foren Afes minista bilong Taiwan i askim PNG long kamapim wanpela Tred Opis long Taipei na tu ol i laik mekim isi long PNG long kisim visa taim ol i pudaun long ples balus long Taiwan.

Mista Maru i tok dispela i bai opim bikipela dua bilong PNG na Taiwan ken strongim pren long wok bisnis.

Mista Maru i tok em bai askim kabinet long kisim tok orait long Dabol Takis Triti (DTT) Invesmen Promosen

Proteksen Agrimen ( IPPA), MoU bilong Helt Dipatmen, Edukesen Dipatmen long lukluk long skolasip bilong Taiwan na kamapim wanpela Tred opis bilong PNG long Taipei.

Em i tok Taiwan i redi long mekim planti invesmen long kantri na i tok PNG gavman mas lukluk kwik long ol nupela samting i wok long kamap namel long tupela kantri na givim tokorait long lukim bisnis na developmen i ken kamap long helpim SME na ikononi tu go antap.

## Ol risev bisnis bai go bek long PNG: Maru

GAVMAN bai givim bek ol risev bisnis o liklik bisnis long kantri long ol sitisen bilong Papua Niugini.

Ol risev bisnis em ol liklik bisnis olsem tred sta, liklik haus kaikai, taia sevis, salim seken han klos, na ol arapela moa. Dispela em ol SME bisnis em gavman i bilip bai groim ikononi bilong kantri na i isi long ol liklik manmeri inap wokim.

Minista bilong Tred Komes na Industri, Richard Maru i tok PNG nau i gat 40,000 SME bisnis. Gavman i lakim dispela namba i gro go antap long mak bilong 500,000.

Mista Maru i go pas na i wok strong long lukim PNG SME i gro na helpim ikononi. Em i laik planti liklik manmeri long go insait long ol SME bisnis.

Long mekim dispela i karim kaikai gavman i tok em bai putim moa mani long ol benk olsem Nesanel Developmen Benk long ol liklik bisnisan na meri i ken kisim dinau na mekim bisnis.

Tasol i gat planti tingting nau bikos ol arapela lain i kisim spes pinis long ol liklik bisnis o risev bisnis long kantri na PNG manmeri i kamap wokboi bilong ol.

Mista Maru i tokaut olsem gavman bai kamapim strongpela lo long givim olgeta risev o liklik SME bisnis i go bek long ol PNG.

Em i tok ol pipel bilong narapela kantri i ken mekim ol arapela bikipela bisnis we ol liklik PNG bisnis i no gat inap risos na mani long mekim.

Mista Maru i bin Menesing Dairekta bilong Nesanel Developmen Benk na em i save gut long wok SME. Em i pait strong nau long gavman i putim bikipela milien kina long NDB long helpim ol manmeri.

## 2014 baset i sanap gut: PM

OLGETA PIPEL i lukluk long 2014 baset bilong kantri wantaim Praim Minista Peter O'Neill na Treseri Minista Don Polye i tok baset bilong kantri i sanap gut long bungim salens na developmen long neks yia.

Praim Minista Peter O'Neill i tok long 2014 baset bai no gat nupela takis bilong ol wokman na meri long kantri husait save pilim pen long baim gavman takis long potnait pe.

Mista O'Neill i tok gavman i rausim dispela na stat long 2014 bai no gat takis long potnait pe.

Mista Polye i tokaut long planti hap pinis olsem gavman bai putim bikipela mani long wok egrikalsa long 2014. Mista Polye i tok ikononi bilong kantri i stap gut. Mista Polye i singaut long ol pipel na bisnis investa long no ken guria long strong bilong Kina i pundaun.

Praim Minista O'Neill i tok gavman bai go het long givim fri edukesen long 2014 baset, fri helt ke, lo na oda na infrastraksa developmen. Dispela em ol bikipela eria tasol gavman bai putim mani long em wantaim ol arapela projek tu.

Nupela projek gavman bai fandim em 2015 Pasifik Gems.

Minista Don Polye i tok 2014 baset bai stretim rot long ikononi bilong kantri bai gro long bihaintaim. Mista Polye i tok gavman i no ken yusim mani i no stap long baset. Em i tok gavman i mas yusim mani gut long wok developmen we bai helpim planti manmeri.

Mista Polye na Praim Minista Peter O'Neill wantaim i tok 2013 i bin wanpela hatpela yia tru. Prais bilong ol komoditi long wol maket i go daun, strong bilong Kina i pundaun na ol konstraksen wok long LNG i pinis. Tupela

i tok, wantaim ol dispela hevi, gavman i sanapim namba wan baset tru long kisim kantri i go het.

Baset bilong 2013 bin stap long K10 bilien mak. Mista Polye i tok 2014 baset bai wankain liklik na i no inap go antap moa long 2013 baset. Dispela 2014 baset bai difisit o dinau baset.

Praim Minista i tok 89 memba bilong distrik i bin kisim K10 milien long 2013 baset na bai ol i kisim gen long 2014.

Mista Polye i tok gavman bilong O'Neill i gat gutpela polisi na baset o mani plen bilong kantri bihainim polisi na i no yusim nating mani long ol bikplea projek olsem Oposisen na sampela lain i bin tok.

Mista Polye i tok gavman bai go het wantaim fri edukesen polisi long 2014 baset we lukim klostu long K2 bilien bai go long fri edukesen polisi.

## Westpac i givim hom dinau long investa

### Lynette Boas i raitim Westpac Komyunikesen speselis

WESTPAC i surukim spesel haus lon ofa i go long ol Papua Niugini manmeri husait i laik baim invesmen propeti na wankain tu long ol lain husait i laik baim haus na ol kastoma bilong ol arapela bank husait i laik mekim rifainens wantaim displea spesel ofa.

Dispela reit long mak blong 7.99 pesen i kam wantaim liklik lon administresen fi long moni mak blong k50 insait long wanpla mun na 50 pesen diskaun long statim fi.

Hetman bilong Retail Banking Adam Downie i tok, ol lain husait i save kisim dinau long benk i lukim namba bilong ol i go antap bihainim intres bilong ol long olgeta Westpac brens insait long kantri na ol i laik kisim dispela spesel ofa. " Taim Westpac i bin statim

dispela ofa sampla mun i go pinis, mipela i bin soim moa long 100 manmeri long kantri long rot ol i ken sevim sampla mani antap long haus ol i gat nai or antap long ol invesmen dinau bilong ol wantaim ol arapela bank". Mista Dowine i tok.

Mista Dowine i tok ol pipel i save lukluk long hetlain blong interes reit tasol taim ol i lukluk long benk stetmen bilong ol, ol isave painim aut oslem ol i wok long baim bikipela fi long wan wan mun na yiar.

Displa ol hait fee i save go antap olsem mak bllong ten tausen kina insait long wanpela yia. Tasol em i tok, wantaim Westpac, mipela i save stap fron wantaim ol benk fi na sas bilong mipela na reit bilong mipela i gat salens tu long em.

Long baim wanpela propeti, em i wanpela bik long

ol i ken baim. Taim ol i kisim save long dispela ol benk fi na sas, ol inap mekim disisen long go het long kisim dinau o nogat na ol inap tu long luksave long strong bilong ol long bekim bek dinau hariap.

Rijinol Menesa, SME na Brens Lendin, Yawetau Salem i tok, namba wan na gutpela samting insait long dispela lon ofa reit, em ol kastoma i ken luksave long sevim bikpla tausen mani na i ken lukluk long bekim bek dinau bilong ol kwik taim.

Em i tok, displea reit long 7.99 pesen bai go het inap long mun Mas 2014 long wanem, ol i kisim planti luksave i kam long ol pablik manmeri bihainim tokaut blong displa reit.

Mista Salem i tok tu olsem, i gat ol lain long ol arape la senta husat i soim bel kirap long kisim dinau aninit long dispela 7.99 pesen ofa.



Westpac Pot Mosbi Pesenel Benking Menesa Erevu Heki (L) givim re-finance loan sek i go long kastoma Kesaia Beerepoot.

**Yes Yah ol Ridas bilong Wantok Niuspepa!**

**Painim Bal Resis i stat nau na bai yu gat sans long winim ol Promosen klos bilong Wantok Niuspepa! Resis i stap long pepa tude na traim laki bilong yu nau! Hariap, nogut ol klos i pinis!!**

**Painim Bal Resis**

Putim X insait long bokis yu ting bai i stap long en...

Eksampol: C5, long namel. Toksim i kam na traim laki bilong yu.

Baim Wantok Niuspepa olgeta wik na traim sans bilong yu!!

Wanpela wina tasol long olgeta wik!

Bai yu gat sans tru long winim ol Promosen bilong Wantok Niuspepa...

**Resis bai stap inap long Disemba 2013**

**Teks tasol i kam long 7235 6149 wantaim ansa bilong yu na nem na adres bilong yu. Em isi tru!!!**

Wanpela wina tasol long wan wan wik...





# Ramu NiCo Kamapim Marin Sevei long Basamuk Solwara

**N**AMBA wan Marin Sevei (Pes 2) we i kam aninit long Operesinal Envairomen Menesmen Plen (OEMP) bilong Ramu NiCo Projek na i go wantaim disain sevei i bin kamap long Basamuk na Astrolabe Be stat long Oktoba 23 na pinis long Novemba 6.

Helt, Sefti na Envairomen (HSE) Menesmen bilong Ramu NiCo i karimaut dispela sevei wantaim wanpela ovasis konsalten.

Taim opisal operesen bilong Ramu NiCo Projek i bin kamap long Disemba 6, 2012, dispela em namba wan Marin Sevei we Gavman i laikim i kamap aninit long Dipatmen bilong Envairomen na Konsevsesen (DEC) bihain long wanpela yia bilong operesen long painimaut sapos i gat sampela hevi o samting i kamap long dip si teilings plesmen (DSTP) em rot Ramu NiCo i yusim long rausim pipia.

Planti tok i bin stap bipo olsem dispela ol pipia Ramu NiCo i rausim go insait long solwara bai bagarapim solwara na ol abus insait long solwara. Tasol Ramu NiCo i sanap strong olsem solwara bai i orait. Dispela Sevei em i long strongim tingting bilong Ramu NiCo na tok aut stret olsem bai no gat birua i kamap.

Dispela Marin Sevei i bihainim namba wan bes-lain sevei we i bin kamap long 2006 na 2007, we wanpela intenesenel kampani, Coffey i bin mekim, tasol long dispela taim gat wan wan ol askim tasol we i narakain long sevei we i kamap nau. Tasol dispela sevei nau i gat tripela hap bilong en na dispela em bikpela na bai givim moa ripot long ol envairomen konsalten long wok long en na tok aut sapos solwara i orait.

Namba wan hap bilong sevei i bin kamap long mun Mas long dispela yia na i karamapim ples i no daun tumas long solwara na tu eria bilong painim pis yusim ol liklik kostal bot. Ol wok painimaut bilong dispela i karamapim Marin Fauna, Finjing Fauna na Apa Osen Mesamen.

Namba tu hap bilong Sevei i bin kamap long Oktoba 23 i go Novemba 6 we i karamapim bikpela daun solwara na wok painimaut i yusim ol spesel masin we i go wantaim osenograpik wins na kebel. Dispela namba tu hap bilong sevei i karamapim tu Marin Fauna (dip solwara), Dip Osen Baiodata, Marin Wara Kwaliti, Marin Sedimen Karektaraisin, Sabsefes Plam Sevei, Apa Osen Mesamen na DSTP Paip ROV sevei.

Namba tri na fainol hap bilong sevei we bai kamap long pinis bilong mun Novemba bai karapaim Okastik Sibed Klasifikesen (ASC) sevei, we ol saveman bai wok raun yusim wanpela liklik sais bot long san taim tasol long mekim wok.

Ol tisiu o hap bodi bilong pis, solwara, na graun aninit long solwara ol wokman i kisim na ol arapela samting em ol bai salim i go long ALS (Australian Laboratori Sevises) long Australia long mekim wanpela indipen-

den wok painimaut na raitim ripot em bihain ol bai givim long Gavman bilong PNG na DEC.

Ramu NiCo tu bai karimaut wanpela indipend risets o wok painimaut long wankain eria long lukluk long ol ripot em ALS i wokim na em bai wokim ripot bilong en yet tu wantaim.

Bihain long wanpela yia bilong operesen bilong DSTP long Basamuk, ol wokman i save kisim ol sempol insait long olgeta 6-pela aua long Miksing Tenk long mekim wok painimaut long en. Na insait long ol ripot ol Leboratori Kwaliti Kontrol rum bilong Ramu NiCo, em i soim olsem ol risalt i stap insait long Envairomen Permit stendet em DEC i putim pinis pastaim long pipia i go aut long solwara na em i bihainim mak stret bilong DEC.

Ramu NiCo i kam inap tude i gat strongpela biling olsem ol pipia we i save go insait long solwara i no save kamapim birua. Taim dispela Sevei Ripot i kam aut bai ol pipel na gavman bai luksave stret sapos DSTP i kamapim birua o no gat.



Ol saintist i laik putim masin igo insait long solwara na kisim long testim.



Ol saintis bilong Ramu NiCo i soim wanpela sak we ol i bai katim na testim mit bilong em sapos i gat birua o no gat.



NiCo i katim mit bilong sak long painimaut i gat birua o no gat.



Steven Opur, saintis long Ramu NiCo i kisim solwara long glasim sapos i gat birua.



Sip Surveyor we ol i karimaut Marin Sevei.

**RAMU NICO**

## Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

**Ol dispela namba i soim kliia mak bilong wok mipela i pinisim:**

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biling i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

**'Wanpela Ramu NiCo, Wanpela Komuniti'**

# Ol Rai Kos Kakao Fama i laik abrusim sik CPB

Mathew Yakai i raitim

OL kakao fama insait long Basamuk, Rai Kos distrik long Madang i laki stret long kamap namba wan ples insait long Madang na kantri long kisim ol 10-pela nupela kakao varaiti we i ken abrusim sik Kakao Pod Borer (CPB) em i bin kamap bikipela long Karkar Ailan long 2010 i kam inap tude.

Ol saintis bilong CCIPNGL (Cocoa Coconut Institute PNG Ltd) insait long Madang i bin kamapim ol dispela varietati long helpim ol fama. Ol papagraun bilong Basamuk Rifaineri aninit long Ramu NiCo projek i bin kamap namba wan asples long kisim ol dispela 10-pela varietati aninit long wok PPP (Publik-Praivet-Patnasip) namel long CCIPNGL na Ramu NiCo.

Ol nupela kakao varaiti em ol bikipela klon: K-4, K-6, K-9, 21:4/8, 17:2/16 na liklik klon: 16:4/2, 15:4/7, 37:2/10, 63:3/8 na 13:3/2. Dispela em namba tu taim CCIPNGL i kamapim CPB varieties long ol fes 8-pela CPB toleren ol i bin kamapim long 1999 na givim i go aut long ol fama. Dispela haibrid em bikipela klon: 16:2/3, 36:3/1, 37:13/1, 73:3/1 na liklik klon: 17:3/1, 34:13/1, 63:7/3 na 73:14/1.

Namel long Oktoba 28 i go Novemba 2, ol 7-pela badas bilong CCIPNGL wantaim ol egrikalsa wokman bilong Ramu NiCo i yusim ol dispela nupela varieties na badim moa long 6,500 rutstok

## Ramu NiCo i laik kirapim prodaksen na lukautim gut mani

LONG Dispela taim we globel ikonomi i go daun na prais bilong nikel metel i no gutpela, Ramu NiCo Projek insait long Madang provins i kamapim strongpela luksave long kirapim prodaksen i go antap na wankain taim, i laik daunim pasin bilong spendim mani nating, nupela niusleta bilong Ramu NiCo, Garamut i tokaut.

Garamut i tok long namba tu hap bilong dispela yia konprens, Siaman bilong Ramu NiCo, Zhao Shimin i tok strong olsem planti maining kampani long wol i pas, rausim wokman, daunim operesen bilong ol bilong wanem globel ikonomi i no gutpela. Planti mainin kampani long PNG tu i bungim wankain hevi.

"Mipela i no bin kamap long gutpela taim, long namba wan hap bilong dispela yia, mipela i bin bungim bikipela hevi, insait long kantri na arasait tu," Mista Zhao i tok.

Maski long dispela hevi, bosman bilong Ramu NiCo, Mista Zhao i gat bikipela tingting olsem Kampani bilong em bai daunim dispela birua na wantaim hatwok na dedikesin i kam long olgeta wok manmeri bai lukim Ramu NiCo i daunim pasin bilong westim mani na ken apim gen prodaksen.

kakao long ol asples olsem Tukiak, Kulilau, Mingming, Dubal na Kumingsanger.

Distrik Lieson na Fasiliti Opisa wantaim CCIPNGL i lukautim Sumkar Distrik, Kanok Sulu i tok Rai Kos i laki stret long kisim ol dispela CPB resiten kakao we bai stopim sik CPB, na tu kamapim wok kakao i go bikipela sapos ol fama i wok hat tude.

"Dispela nupela haibrid i ken kamapim 2.5 i go 3 ton kakao long wan wan hekta long wan wan yia bihain long 18 mun taim ol i planim na dispela em gutpela risal stret," Mista Sulu i tok.

Em i givim tok lukaut tu i go long ol fama i no ken kisim ol kakao pod long Madang i go long Rai Kos we bai kisim ol sik nogut bilong kakao wantaim.

"Karkar i bin bungim birua long CPB na prodaksen i bin go daun long 2o pesen long yia 2010 na i putim Madang namba 4 ples, bihain long Is Nu Briten. Is Sepik i stap namba wan na Buka i kam seken," Mista Sulu i tok.

Fil Ekstensen Opisa bilong Ramu NiCo, Deniel Abuta i tok as tingting long dispela wok patnasip em long kamapim moa resiten kakao diwai na bihain taim ba ol i yusim dispela long senisim olgeta kakao diwai na bai i gat CPB resiten kakao tasol long Rai Kos.

Kakao em i namba wan kes krop insait long Rai Kos na ol fama i gat bikipela bilip long kamapim wok bilong ol i go bikipela wantaim helpim bilong Ramu NiCo na CCIPNGL long tude na bihain taim tu.

Mista Zhao i tokim ol wok lain bilong Ramu NiCo na ol stekholda olsem wantaim sapot bilong MCC Grup na save bilong teknoloji na mani long stretim ol hevi long dispela taim, bai lukim sampela imprupmen ol senis wok bai i kamap long Ramu NiCo we i ken hapim prodaksen i go antap long mak bilong 50 pesen.

Long wankain taim, Siaman i askim ol saveman bilong Kurumbukari Main na Basamuk Rifaineri long i mas wok bung wantaim na luksave long ol bikipela hevi na stretim nau long kamapim gutpela produksen tude i go inap long bihaintaim.

Mista Zhao i tok tenkyu tu long ol wok manmeri long Ramu NiCo long komitmen bilong ol long Projek na em i askim olgeta woklain long kamapim gutpela tingting na save long wei bilong kirapim projek prodaksen i go bikipela na gutpela long tete na bihain taim tu.

Ol i bin lonsim Ramu NiCo Projek long 6 Desemba, 2012 bihain long konstraksen wok i pinis na namba wan eksplot i bin kamap long pinis bilong yia 2012. Ramu NiCo i tude i makim wok prodaksen mak long 50 pesen bilong dispela disain kapasiti na 85 pesen long neks yia 2014 na 100 pesen long yia 2015.

Ol saveman bilong badim kakao long CCIPNGL i kamap long Basamuk long badim kakao.



Ol bada bilong CCIPNGL i badim kakao.

## Fact about eggs

- Eggs are naturally high in protein.
- Eggs have less than 2 grams saturated fat.
- Eggs are source of 11 vitamins and Minerals.
- They are a good source of vitamin B12 which may be lacking in vegetarian diets.
- Eggs are a source of Iron.
- Eggs are an ideal food alternative to meat.
- Eggs are very economical and highly nutritious.



BAIM PNG MADE NA KAMAPIM MOA WOK

# Ol pikinini karim tos wantaim toktok bilong Kwin

**N**AINPELA skul long Pot Mosbi i bin stap insait wantaim ol opisel rana bilong karim baton o 'tos i gat toktok bilong Kwin' long Tunde dispela wik.

Ol 300 sumatin i bin kam long ol skul i stap long rot bilong tos wantaim toktok bilong Kwin bai ran long em. Ol dispela sumatin i bin lainim mak bilong Komonwelt Gems na ol i makim long sanap na kisim tos wantaim toktok bilong Kwin i kam insait long Amini Kriket Graun long pinis bilong ran bilong Pot Mosbi.

PNG em i memba bilong Komonwelt olsem na em i mas go insait long Glasgow twenti Komonwelt Gems 2014, bai i kamap long Julai 23 i go inap Ogas 4 long 2014. UNICEF na Glasgow 2014 i laik mekim dispela taim i kamap wanpela bikpela taim tru bilong ol pikinini long stap insait na tingim long bihain. PNG Olimpik Komiti na UNICEF opis i bungim han wantaim long yusim spot pawa long helpim ol pikinini long kamap smat moa, bihainim bikpela toktok, 'yu mas smat moa yet.'

Eleven pikinini i bin ran wantaim tos tasol 300 i sanap na kamapim mak bilong Komonwelt Gems long Amini Kriket graun na olgeta i kisim taim long holim dispela tos wantaim toktok bilong Kwin na salim i go long narapela.

Baton bilong Kwin bai i go long Kavieng asde Trinde na ol lain long Kavieng tu i redi gut tru long amamas long karim na ran wantaim.



**RAGBI LIG:** Dispela sapota bilong Tarangau i tromoi han long referi bilong PRL taim em i no tok orait long trai bilong Tarangau long gren fainel bilong Pot Mosbi ragbi lig.



# OI spot eksen poto long wiken...

*OI Poto Nicky Bernard.*



**KAM YA:** Gol Atek bilong BSP i traim long kisim dispela bal taim Gol Difenda bilong Fairdeal i lukluk long em long praiwet kampani netbal long Bisini long Mosbi.



**DAS KIRAP:** Winga bilong Yuni kalapim pilaia bilong Blu Kumul taim em i abrusim em, Blu Kumul pilaia i kirapim das long Bisini soka graun long Pot Mosbi.



**HOM RAN:** Rana bilong Difensi i ran kam long hom bes taim ketsa bilong PNG Pawa i wetim bal yet long sofbal pilai bilong ol man long Mosbi.



**LUSIM MI YA:** Hap bek bilong Brothers i traim long rausim ol pilaia bilong Tarangau long gren fainel pilai bilong ol long Pot Mosbi ragbi resis. Dispela gren fainel i no pinis gut.

## - Weekend Softball Draws -

SEASON PROPER - ROUND ONE, GAME TWO & THREE  
SATURDAY, 9TH NOVEMBER 2013

SCHEDULE TWO					SCHEDULE THREE				
TIME	TEAMS	TEAMS	GRADE	REMARKS / UMPIRING	TIME	TEAMS	TEAMS	GRADE	REMARKS / UMPIRING
9:30 - 10:15	CHEBU	WANTONG	B	GAZLIE	9:30 - 10:15	WOLVES	UNITED SISTERS	B	BEARS
10:15 - 11:30	GAZLIE	BEARS	B	UNITED SISTERS	10:15 - 11:30	ADMIRALTY	POKMO	B	WOLVES
11:30 - 12:45	CHEBU	WANTONG	A		11:30 - 12:45	WOLVES	UNITED SISTERS	A	
12:45 - 14:00	GAZLIE	BEARS	A		12:45 - 14:00	ADMIRALTY	POKMO	A	
D/OE	STINGERS A & B				D/OE	STINGERS A & B			

**TOKSAVE:** Salim ol spots dro bilong yu kam long Feks; 325 2579, e-mel; [bveo@wantok.com.pg](mailto:bveo@wantok.com.pg) o kam lusim long Wantok Niuspepa opis long Able Building Complex long Central Waigani, NCD.



## Namba 6 kisim Melbon Kap...

### Melbon Kap

Damien Oliver, sindaun antap long hos Fiorente, i winim 2013 Melbon kap,  
Damien Oliver, i selebret bihain long em i winim 2013 Melbon kap long Flemington res trek long Novemba , 2013.



### Wol Kap

Samoa i daunim tru hop bilong PNG Kumuls long kwalifai long Tunde moning gem long Ragbi Wol Kap long Ingran. Samoa i win long 38 - 4 egens PNG.




### Soka

James McCarthy (lephan) bilong Everton i kalap wantaim Lewis Holtby bilong Tottenham Hotspur long hetim bal long Inglis Prima Soka Lig long Goodison Park insait long Liverpool, Ingran. Gem i strong na no gat wanpela tim i skoim gol.

# Painim Bal Resis

A B C D E F G



Putim X insait long bokis yu ting bal i stap long en..

Eksampel:  
**C5**, long namel. Teksim i kam na traime laki bilong yu.

**Baim Wantok Niuspepa olgeta wik na traime sans bilong yu!!**

**Wanpela wina tasol long olgeta wik!**

**Yes yah ol Wantok!! Bai yu gat sans tru long winim ol dispela promosen samting bilong Wantok Niuspepa....**



**Teksim Ansa bilong yu i kam long 7235 6149 na lusim nem na adres bilong yu tu...Sans yah!**

Dispela resis bai stap i go inap long Desemba dispela yia, so noken wet, salim ol ansa kam na stail wantaim Wantok kep, t-siot na kola siot!!

# Painim Bal Resis

A B C D E F G



**ANSA**  
bilong  
resis  
Namba 2

**B9**

**Wanpela wina tasol long olgeta wik!**

**Yes yah ol Wantok!! Bai yu gat sans tru long winim ol dispela promosen samting bilong Wantok Niuspepa....**



**Teksim Ansa bilong yu i kam long 7235 6149 na lusim nem na adres bilong yu tu...Sans yah!**

Dispela resis bai stap i go inap long Disemba dispela yia, so noken wet, salim ol ansa kam na stail wantaim Wantok kep, t-siot na kola siot!!

# Nambawan Trophy go long Kamali ples

**NAMBAWAN Trophy Haus i bihainim ol tim em i sponsa long em i go long liklik ples bilong ol long ples Kamali ples long Hula, Sentral provins.**

Nambawan Trophy Haus em sponsa bilong bik nem soka tim bilong bipo Golo we i kam long liklik ples Kamali na save pilai long Pot Mosbi Soka Asosiesen.

Golo i kam bek long PMSA resis bihain long ol i bin lusim longpela taim i go pinis. Dispela yia ol kisim maina primia long Primia Divisen bihain long ol i pilai long disvisen wan long yia go pinis.

Golo tim i bin kisim sponsa bilong ol Nwth wantaim ol Australia na Filipin pilaia bilong ol na go long liklik ples Kamali na mekim wanpela pren pilai wantaim ol lain long ples

Bihain long pilai Nwth i givim 6-pela Adidas bal na wanpela yunifom bilong referi go long ples lain long mekim liklik soka kompetisen bilong ol long strongim moa pilaia bilong Golo tim long bihain.



**Joel Sarmenta bilong Nwth i givim bal go long han bilong presiden bilong Kamali Soka Asosiesen bilong long pren pilai. Pota Nwth.**



## Hela i redi long 2014 PNG Gems

LONG wik i go pinis PNG Spots Faundesen i kamapim ol Yut Spots Program insait long ol distrik bilong Hela. Ol dispela distrik em Tari-Pori, Koro-Kopiago na Komo- Magarima.

Dispela em i namba wan taim bilong PNG Spots Faundesen wantaim Hela Provins long wok wantaim long kamapim developmen long spots insait long Provins.

Hela i bin makim wanpela tim long go pilai long 2012 PNG gems long Kokopo na ol i bin pilai gut liklik na ol i kisim tripela gol medol, wanpela silva medol na wanpela brons.

Hela Provins tu i amamas tru long helpim bilong ol PNG Spots Faundesen. Ol i i skulim 30 manmeri bilong Hela na lainim ol long stap insait long Spots Komiti na go pas long ol spots wok bilong Provins na redim ol long PNG gems long 2014.

Hela Provins nau i redi pinis long wanem ol i gat plening Komiti pinis na oli i salim baset bilong ol i go pinis long provinsal gavaman.

Bai ol i wok yet long kamapim na mekim tim bilong ol i strong moa bilong wanem ol i gat tenpela mun tasol bipo long PNG gems i stat long Lae.

Hailans Rijonal Kodineta John Mou bai wok wantaim ol plening Komiti bilong Hela long lukim olsem ol i stap long gutpela mak bilong pilai long 2014 PNG gems.

# Tupela kampani go pas long Kwin Baton Rilei

## Illan Kaprangi i raitim

NEWCREST Main na Air Niugini i bung wantaim long i go pas long wokabout bilong Baton bilong Kwin Rilei o Tos i karim Toktok bilong Kwin long Kavieng.

Kavieng taun i lukim bikpela kibung taim olgeta bisnis haus na ol lain long ples i bung long kisim tos i karim toktok bilong Kwin i kam long ol long aste.

Long soim sapot bilong ol, tupela kampani, Newcrest Main na Air Niugini i karamapim olgeta kos bilong ol deliget i wokabout wantaim dispela baton long Pot Mosbi i go Kavieng. Tupela kampani i sapotim tu wok bilong karim ol T-siot i kam long UNICEF wantaim ol wara botol bilong ol skul pikinini i stap long dispela ran.

Sif Eksekutiv Opisa bilong Air Niugini, Simon Foo i tok dispela tos i karim toktok bilong Kwin o Baton rilei i kamap long taim stret bilong 40 yia eniveseri bilong Air Niugini we em i kamap PNG Kantri Menesa bilong

Newcrest Mining, Peter Aitsi i tok, "Newcrest Main i amamas long bung wantaim Air Niugini long mekim bai ol komyuniti insait long Kavieng ol lain klostu i ken kamap long lukim dispela bikpela samting we i bring-ing olgeta Komonwelt kantri i kam bung wantaim."

Taim baton i pundaun long kolta bilong Kavieng ples balus, Nu Ailan Gavana, Sir Julius Chan i bin namba wan man long kisim dispela tos na bihain em i givim i go long Presiden bilong ol Sif Elda, Sir Noel Levi. Sir Noel Levi em i memba bilong Air Niugini Bod bilong Dairekta. Bihain Meya bilong Kavieng, Stanley Masini i statim namba wan 50 mita long ran na i go long Deputi Gavana, Ken Bart.

Taim ol i pinisim ran bi-



**Sir John Dawanicura na Sir Puka Temu wantaim Baton bilong Kwin.**

long tos, long 3 klok, ol i ritim toktok bilong Kwin i go long ol skul pikinini kris-

mas bilong ol, 9 i go 11. Bihain long pinisim dispela ran bilong tos, ol i putim

long wanpela kanu na i pul i go olsem long san i go daun long Nusa Ailan.

## i kam long bek pes

### Mosbi amamas long Baton bilon Kwin

UNICEF, NCDC na tu Komonwelt Federeesen i bin wok strong tru long mekim ol pipel bilong NCD amamas tru taim ol i go pas na ogenasim dispela ran bilong Baton. Ol sumatin bilong ol skul long NCD tu i bin luk mangal taim ol i putim ol blu set na kep em ol UNICEF i bin givim.

Bikman na CEO bilong Komonwelt Federeesen Mike Cooper i bin givim tok amamas bilong em long olgeta lain i go pas long dispela ran bilong Baton. Em i bin toktok moa long ran bilong baton olsem wanpela kastom we olgeta kantri insait long Komonwelt i save bihainim.

Kwins Baton bai i raun insait long NCD na Kavieng tasol bihain long em i lusim PNG na go long Solomon Ailan.

## Sans bilong ol kumul long pilai long fainels i sot

LONG namba tu gem bilong ol Kumul insait long 2013 Ragbi Lig Wol Kap, Samoa i putim sevenpela trai long winim Papua Niugini na sotim sans bilong ol Kumul long stap insait long fainels.

Kosa bilong ol Kumul Adrian Lam i tok olsem ol i bin mekim planti mistek long namba wan hap. Ol i bin dropim planti bal, na tu, difens bilong ol i no bin

strong, na long dispela as Samoa i bin kamap wantaim bikpela win 38-4.

Lam i tok olsem em i save ol i kisim planti rabis toktok long ol sapota na ol manmeri bilong Papua Niugini tasol ol i no inap long giv ap long pilai. Em i tok ol bai redi tasol na go pilai long las gem bilong ol wantaim Nu Silan long Fraide long wik i kam. Dispela las gem em

las sans bilong ol Kumul sapos ol i laik go long fainel.

Nu Silan i wanpela strongpela tim insait long wol na tu ol i bin winim Wol Kap long 2008. Long dispela as ol Kumul i gat liklik sans long win na go pilai long fainel. Sapos ol Kumul i ken mekim mirakel na win, wanpela bilong Frans na Samoa bai mis aut long fainel.

## Besta FC go insait long Trail

PAPUA Niugini Futbol Asosiesen developmen tim, Besta FC i go insait long trail bilong ol wantaim ol yangpela mangi ol i kisim insait long PNG.

Dispela ol yangpela mangi i kam long olgeta hap long PNG. Ol i trening nau long lukim husat bai kisim nem long stap insat long Besta tim long pilai long Nesenel Soka Lig long dispela yia.

Dispela yangpela program em Intenesenel Food Kopresen aninit long bren nem Besta na PNG Futbol Asosiesen i sponsa long em.

Taim dispela program bilong ol yangpela i stat, ol bin gat planti yangpela husat save haitim save bilong ol bin kam aut na soim. Dispela mekim tupela yangpela i kisim top pilai bilong NSL las yia.

Maski ol i yangpela, tasol long pilai long NSL i mekim nem bilong ol i kamap na ol bin pilai gut tru. Long yia i go pinis, ol i bin kam namba tu long lata bilong NSL.

Kosa bilong ol Bob Morris i mekim bikpela wok long senis long stretim ol long redi long NSL we bai kamap klostu nau.



Moa oil na meat insait

**TUNA IN OIL**



**Baton bilong Kwin.**  
 - Pes 24

**Ol poto na dro**  
 - Pes 25

**KAM PILIM, EM HEVI YA:** Lucilla Kami i gat 8-pela krismas tasol na em skul i Koroboro long skul. Em stap insait wantaim ol narapela bikpela manmeri na sumatin long karim Baton bilong Kwin we i gat toktok bilong Kwin i stap insait long go long bikpela pilai bilong Komonwelt Gem. Dispela pilai bai kamap long Glasgo Skotlan long neks yia. Lukim moa piksa long pes 24. *Poto Nicky Bernard.*

## Mosbi amamas long Baton bilong Kwin

Isaac Liri i raitim

**KWINS** Baton Riley em i wampela bikpela spot ran we i save kamap long olgeta kantri husat i stap in-

sait long Komonwelt. Dispela ran i save kamap long wampela yia bipo long Komonwelt gems i stat. Long dispela ran ol manmeri i save karim baton bilong Kwin na ran. Insait

long dispela baton i gat impoten tok save Kwin yet i raitim i go long ol spot manmeri bilong olgeta Komonwelt kantri.

Papua Niugini em i namba ten kantri long kisim Kwins

Baton bihain long em i kam long Australia. Kwins Baton i bin kam kamap long Pot Mosbi long Mande 4 Novemba na i mekim raun bilong em long Tunde 5 Novemba long Independens

Hil long Waigani na pinis long Amini spots graun.

Insait long dispela raun bilong Kwins Baton, ol manmeri bilong Mosbi, ol sampela biknem spots manmeri bilong kantri na tu ol

sumatin bilong ol skul i soim bikpela intres na sapot tru taim ol i ran na wokabout wantaim dispela Baton.

*Moa long Pes 27.*

**Johnston's Pharmacies**

**Varta Batteries and Remington products**

**10% Discount**

**Specials**

P.O. Box 1066 Boroko  
 Phone: 325 3185, Fax: 325 0190  
 Email: sales@johnstons.com.pg